

四庫全書

史部

欽定四庫全書

史部

資治通鑑卷九十六

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官庶吉士_臣范鰲

謄錄監生_臣程晉錫

欽定四庫全書

資治通鑑卷九十六

宋 司馬光 撰

胡三省 音注

晉紀十八

起著雍閏戊辰重光赤奮若凡四年

顯宗成皇帝中之下

咸康四年春正月燕王皝遣都尉趙槃如趙聽師期

皝呼

反趙王虎將擊段遼募驍勇者三萬人

驍堅堯翻

悉拜龍騰

中郎據載記咸康二年虎改會遼遣段屈雲襲趙幽州直蓋為龍騰冠以絳幘

幽州刺史李孟退保易京虎乃以桃豹為橫海將軍

橫海

將軍蓋石

氏創置

王華為渡遼將軍帥舟師十萬出漂榆津

水經

曰清河東北過漂榆邑入于海注云漂榆故城俗謂之角飛城趙記云石勒使王述煮鹽于角飛魏土地記曰

勃海郡高城縣東北一百里北盡漂榆東臨巨海民咸煮鹽為業帥讀曰率

支雄為龍驤大

將軍姚弋仲為冠軍將軍

驤思將翻

帥步騎七萬為前鋒以

伐遼

冠古玩翻帥讀曰率騎奇寄翻

三月趙槃還至棘城燕王皝引

兵攻掠令支以北諸城

令音鈴師古郎定翻支音祁

段遼將追之慕

容翰曰今趙兵在南當并力禦之而更與燕鬪燕王自

將而來

將即亮翻
下悉將同

其士卒精銳若萬一失利將何以禦

南敵乎段蘭怒曰吾前為卿所誤

事見上卷
咸和八年

以成今日

之患吾不復墮卿計中矣乃悉將見衆追之

復扶又翻
下同見賢

遍翻

孰設伏以待之大破蘭兵斬首數千級掠五千戶及

畜產萬計以歸趙王虎進屯金臺

按水經注金臺在涿
郡故安縣有金臺陂

臺在陂北十餘步即燕
昭王築以事郭隗之臺

文雄長驅入薊

薊音
計

段遼所署

漁陽上谷代郡守相皆降取四十餘城北平相陽裕帥

其民數千家登燕山以自固

五代志北平無終縣有燕
山守手又翻相息亮翻燕

於賢

諸將恐其為後患欲攻之虎曰裕儒生矜惜名節

恥於迎降耳

降戶江
翻下同

無能為也遂過之至徐無

徐無縣
屬北平

郡其地在唐薊
州玉田縣界

段遼以其弟蘭既敗不敢復戰帥妻子

宗族豪大千餘家

豪大猶言豪帥也是時東北夷率謂
主帥為大部帥曰部大城主曰城大

是也棄令支奔密雲山

水經注密雲戌在禦夷鎮東南九
十里鮑邱水逕其西唐檀州治密

雲縣西南去范陽二百里又據晉紀云遼奔于平岡蓋
密雲山在漢平岡縣界宋白曰檀州密雲縣本漢虎奚

縣西南至幽州百九十里西至媯州二百五十里東
北至長城障塞百一十里東南至薊州百九十里

將

行執慕容翰手泣曰不用卿言自取敗亡我固甘心令

卿失所深以為愧翰北奔宇文氏遼左右長史劉羣盧

諶崔悅等封府庫請降

羣諶悅奔令支見九
十卷元帝大興元年

虎遣將軍

郭太麻秋帥輕騎二萬追遼至密雲山獲其母妻斬首

三千級遼單騎走險

赴險以自
保走音秦

遣其子乞特真奉表及

獻名馬於趙虎受之虎入令支宮

段氏都令支以
其所居為宮

論功

封賞各有差徙段國民二萬餘戶於司雍兗豫四州

雍
於

用士大夫之有才行皆擢敘之

行下
孟翻

陽裕詣軍門降虎

讓之曰卿昔為奴虜走今為士人來豈識知天命將逃

匿無地耶對曰臣昔事王公不能匡濟

王公謂王浚也裕奔令文見八

十九卷愍帝建興二年

逃于段氏復不能全今陛下天網高張籠

絡四海幽冀豪傑莫不風從如臣比肩無所獨愧生死

之命惟陛下制之虎悅即拜北平太守夏四月癸丑

以慕容皝為征北大將軍幽州牧領平州刺史成主

期驕虐日甚多所誅殺而籍沒其資財婦女由是大臣

多不自安漢王壽素貴重有威名期及建寧王越等皆

忌之壽懼不免每當入朝常詐為邊書辭以警急

壽時鎮涪

城朝直
遙翻

初巴西處士龔壯父叔皆為李特所殺

父及叔父也處

昌呂
翻

壯欲報仇積年不除喪壽數以禮辟之

數所角壯翻下同壯

不應而往見壽壽密問壯以自安之策壯曰巴蜀之民本皆晉臣節下若能發兵西取成都稱藩於晉誰不爭

為節下奮臂前驅者

魏晉以來持節假節出當方面者人皆稱之為節下為子偽翻如

此則福流子孫名垂不朽豈徒脫今日之禍而已壽然之陰與長史畧陽羅恒巴西解思明謀攻成都期頗聞之數遣許涪至壽所伺其動靜

涪音浮伺相吏翻

又鳩殺壽養

弟安北將軍攸壽乃詐為妹夫任調書云期當取壽

詐言

期欲取壽以怒其衆任音壬下同

其衆信之遂帥步騎萬餘人自涪襲

成都

帥讀曰率涪音浮

許賞以城中財物以其將李奕為前鋒

將即亮翻

期不意其至初不設備壽世子勢為翊軍校尉開

門納之遂克成都屯兵宮門期遣侍中勞壽

勞力到翻

壽奏

建寧王越景騫田褒姚華許涪及征西將軍李遐將軍

李西等懷奸亂政皆收殺之縱兵大掠數日乃定壽矯

以太后任氏令廢期為卬都縣公幽之別宮

卬都縣屬越雋郡卬

渠容翻

追謚戾太子曰哀皇帝

咸和九年期越秋其主班謚曰戾太子

羅恒

解思明李奕等勸壽稱鎮西將軍益州牧成都王稱藩

于晉

解戶買翻

送叩都公於建康任調及司馬蔡興侍中李

豔等勸壽自稱帝壽命筮之

龜為卜著為筮

占者曰可數年天

子調喜曰一日尚足況數年乎思明曰數年天子孰與

百世諸侯壽曰朝聞道夕死可矣

引論語孔子之言

遂即皇帝

位

壽字武考驥之子也

改國號曰漢大赦改元漢興以安車束帛

徵龔壯為太師壯誓不仕壽所贈遺一無所受

遺于壽季翻

改立宗廟追尊父驤曰獻皇帝

驤思將翻

母咎氏曰皇太后

咎子感翻姓也

立妃閭氏為皇后世子勢為皇太子更以舊廟

為大成廟

舊廟祀李特李雄者也雄建國號曰成壽改曰漢故以特雄廟為大成廟

凡諸制

度多所更易

更工衡翻

以董皎為相國羅恒為尚書令解思

明為廣漢太守任調為鎮北將軍梁州刺史李奕為西

夷校尉從子權為寧州刺史

從才用翻

公卿州郡悉用其僚

佐代之成氏舊臣近親及六郡士人皆見疎斥

六郡士人與李

特兄弟同入蜀者

卽都公期歎曰天下主乃為小縣公不如死

五月縊而卒

載記期死於三年年二十五縊於賜翻又於計翻

壽謚曰幽公葬

以王禮

趙王虎以燕王皝不會趙兵攻段遼而自專

其利

以皝掠段氏人民畜產不待趙師至而北歸也

欲伐之太史令趙攬諫曰

歲星守燕分師必無功

天文志歲星羸縮以其舍命國其所居久其國有德厚五穀豐

昌不可伐也分扶問翻

虎怒鞭之皝聞之嚴兵設備罷六卿納言

常伯冗騎常侍官

去年皝置六卿等官冗而隴翻

趙戎卒數十萬燕人

震恐皝謂內史高詡曰將若之何

內史燕國內史也

對曰趙兵

雖彊然不足憂但堅守以拒之無能為也虎遣使四出

招誘民夷

誘音西

燕成周内史崔燾居就令游泓武原令

常霸東夷校尉封抽護軍宋晃等皆應之凡得三十六

城泓邃之兄子也冀陽流寓之士共殺太守宋燭以降

於趙燭晃之從兄也營邱內史鮮于屈亦遣使降趙武

寧令廣平孫興曉諭吏民共收屈數其罪而殺之閉城

拒守

成周冀陽營邱郡皆慕容廆所置見八十九卷愍帝建興二年居就縣漢晉屬遼東郡武原蓋亦慕容氏所置縣也武寧縣亦慕容氏所置帶

營邱郡游邃見八十八卷愍帝建興元年朝鮮令昌黎

孫泳帥衆拒趙

帥讀日率

大姓王請等密謀應趙泳收斬之

同謀數百人惶怖請罪

怖普布翻

泳皆釋之與同拒守樂浪

太守鞠彭以境內皆叛選鄉里壯士二百餘人共還棘

城

樂浪非漢古郡地也慕容廆所置見八十八卷愍帝建興元年以五代志攷之樂浪冀陽營邱郡朝鮮武

寧等縣當盡在隋遼西郡柳城縣界鞠彭率鄉人歸燕見九十一卷元帝太興二年樂浪音洛琅

戊子

趙兵進逼棘趙燕王皝欲出亡帳下將慕輿根諫曰

將即

亮翻

趙彊我弱大王一舉足則趙之氣勢遂成使趙人收

畧國民

國民謂燕國之民也

兵彊穀足不可復敵

復扶又翻

竊意趙人

正欲大王如此耳奈何入其計中乎今固守堅城其勢

百倍縱其急攻猶足枝持觀形察變間出求利

謂伺間出擊趙

以求利也
間古覓翻

如事之不濟不失於走奈何望風委去為必

亡之理乎旣乃止然猶懼形於色玄菟太守河間劉佩

曰今彊寇在外衆心恟懼

菟同都翻守式又翻恟許拱翻

事之安危繫

於一人大王此際無所推委

推吐雷翻言難推此責以委人也

當自彊

以厲將士不宜示弱事急矣臣請出擊之縱無大捷足

以安衆乃將敢死數百騎出衝趙兵所向披靡

披普彼翻開也

分也散也
靡偃也

斬獲而還

還從宣翻又如字

於是士氣自倍旣問計

於封奕對曰石虎凶虐已甚民神共疾禍敗之至其何

日之有

杜預曰言今至

今空國遠來攻守勢異戎馬雖彊無能

為患頓兵積日釁隙自生但堅守以俟之耳旣意乃安

或說旣降旣曰孤方取天下何謂降也

說輸芮翻降戶江翻

趙兵

四面蟻附緣城

言肉薄附城而上若羣蟻然

慕輿根等晝夜力戰凡

十餘日趙兵不能克壬辰引退旣遣其子恪帥二千騎

追擊之

帥讀曰率

趙兵大敗斬獲三萬餘級趙諸軍皆弃甲

逃潰惟游擊將軍石閔一軍獨全閔父瞻內黃人

內黃縣屬

魏郡以陳留有外黃故加內

本姓冉趙主勒破陳午獲之命虎養以

為子閔驍勇善戰多策畧虎愛之比於諸孫

冉閔始此石勒養石

虎以自滅其種石虎養冉閔併其種類而夷之蓋天道也驍堅堯翻

虎還鄴以劉羣為中

書令盧諶為中書侍郎

諶是士翻

蒲洪以功拜使持節都督

六夷諸軍事冠軍大將軍封西平郡公

使疏吏翻冠古玩翻

石閔

言於虎曰蒲洪雄雋得將士死力諸子皆有非常之才

且握彊兵五萬屯據近畿

近畿謂洪屯枋頭距鄴為近

宜密除之以

安社稷虎曰吾方倚其父子以取吳蜀奈何殺之待之

愈厚

石虎之不能殺慕容垂姚萇也

燕王皝分兵討諸叛

城皆下之拓境至凡城

水經注自盧龍東越青陘至凡城二百許里自凡城東北出趣

平剛故城可百八十里向黃龍城則五百里

崔燾常霸奔鄴封抽宋晃游泓

奔高句麗皝賞鞠彭慕輿根等而治諸叛者誅滅甚衆

治直之翻

功曹劉翔為之申理多所全活

為于偽翻

趙之攻棘城

也燕右司馬李洪之弟普以為棘城必敗勸洪出避禍

洪曰天道幽遠人事難知且當委任勿輕動取悔普固

請不已洪曰卿意見明審者當自行之吾受慕容氏大

恩義無去就當效死於此耳與普流涕而訣

訣別也

普遂

降趙

降戶江翻

從趙軍南歸死於喪亂

喪息浪翻

洪由是以忠篤

著名趙王虎遣渡遼將軍曹伏將青州之衆戍海島

據載

記虎遣伏渡海戍蹋頓城無水而還因戍于海島

運穀三百萬斛以給之又以

船三百艘運穀三十萬斛詣高句麗

句如字又音鉤麗力知翻

使典

農中郎將王典帥衆萬餘屯田海濱又令青州造船千

艘以謀擊燕

石虎忿棘城之敗再謀擊燕而卒不能也艘蘇遭翻

趙太子宣帥

步騎二萬擊朔方鮮卑斛摩頭破之斬首四萬餘級

帥讀

日率騎
奇寄翻

冀州八郡大蝗趙司隸請坐守宰

趙都鄴以冀州為司

部

趙王虎曰此朕失政所致而欲委咎守宰豈罪已之

意邪司隸不進讜言佐朕不逮而欲妄陷無辜可白衣

領職

黜其品秩同於臣庶而仍領司隸之職讜音黨

虎使襄城公涉歸上庸公

日歸帥衆戍長安

二歸亦石氏之族

二歸告鎮西將軍石廣私

樹恩澤潛謀不軌虎追廣至鄴殺之

乙未以司徒導

為太傅都督中外諸軍事郝鑒為太尉

郝丑之翻

庾亮為司

空六月以導為丞相罷司徒官以并丞相府

東漢司徒即丞相之

職也沈約曰丞奉也相助也時以王導為丞相罷司徒府并丞相府導薨罷丞相復為司徒府宋世祖初以南郡王義宣為丞相而司徒府如故導性寬厚委任諸將趙盾賈寧等多

不奉法大臣患之庾亮與郗鑒牋曰主上自八九歲以及成人入則在宮人之手出則唯武官小人讀書無從

受音句顧問未嘗遇君子秦政欲愚其黔首

秦始皇名政命民曰

黔首焚詩書以愚黔首

天下猶知不可況欲愚其主哉人主春秋

既盛宜復子明辟不稽首歸政

稽音啓

甫居師傅之尊

甫方

也始多養無賴之士公與下官並荷託付之重

言受遺先帝付

以幼孤而託之也荷下可翻

大奸不掃何以見先帝於地下乎欲共

起兵廢導鑒不聽南蠻校尉陶稱

南蠻校尉武帝初置於襄陽後治江陵

侃之子也以亮謀語導

語牛倨翻

或勸導密為之備導曰吾

與元規休戚是同悠悠之談宜絕智者之口

言智者之口不宜亦

傳道悠悠之談

即如君言元規若來吾便角巾還第復何懼哉

復扶又翻

又與稱書以為庾公帝之元舅宜善事之

此導之識量所

以為弘遠也

征西參軍孫盛密諫亮曰王公常有世外之懷

言導心常欲謝事優游於人世之外

豈肯為凡人事邪此必佞邪之徒欲

間內外耳亮乃止

庾亮之謀微郝鑒拒之於外孫盛諫止於內必再亂天下矣聞古覓翻

盛楚之孫也

孫楚晉初名士

是時亮雖居外鎮而遥執朝廷之

權既據上流擁彊兵趨勢者多歸之

趙七喻翻

導內不能平

常遇西風塵起

常常作嘗

舉扇自蔽徐曰元規塵汚人

汚鳥故翻

史言導不平之心不能自禁於言語之間者惟此而已

導以江夏李充為丞相掾

夏戶雅翻掾俞絹翻

充以時俗崇尚浮虛乃著學箴以為老子云

絕仁弃義民復孝慈宣仁義之道絕然後孝慈乃生哉

蓋患乎懷仁義者寡而利仁義者衆將寄責於聖人而

遺累乎陳迹也

累力瑞翻

凡人見形者衆及道者鮮

鮮息淺翻

逐

迹逾雋離本逾遠

離力智翻

故作學歲以祛其蔽

祛邱于翻攘却也

曰名之攸彰道之攸廢乃損所隆乃崇所替非仁無以

長物

長丁丈翻今知兩翻

非義無以齊恥仁義固不可遠去其害

仁義者而已

遠于願翻去羌呂翻

漢李奕從兄廣漢太守乾告

大臣謀廢立

從才用翻

秋七月漢主壽使其子廣與大臣盟

于前殿徙乾為漢嘉太守以李閔為荊州刺史鎮巴郡

閔恭之子也

恭李攀之弟見八十四卷惠帝永寧元年

八月蜀中久雨百姓

飢疫壽命羣臣極言得失龔壯上封事稱陛下起兵之

初上指星辰昭告天地歃血盟衆舉國稱藩

謂將稱藩于晉也歃

色洽翻

天應人悅大功克集而論者未諭權宜稱制

謂壽即皇

帝位也

今淫雨百日飢疫並臻天其或者將以監示陛下

故也

監古陷翻

愚謂宜遵前盟推奉建康彼必不愛高爵重

位以報大功雖降階一等

王降皇帝一等

而子孫無窮永保福

祚不亦休哉論者或言二州附晉則榮

二州謂梁益也

六郡人

事之不便昔公孫述在蜀羈客用事

荆邯王元田戎延岑皆羈客也劉

備在蜀楚士多貴

龐統黃忠董和劉巴馬良兄弟呂乂廖立李嚴楊儀魏延蔣琬費禪董允

等皆楚士也

及吳鄧西伐

吳鄧吳漢鄧艾也

舉國屠滅寧分客主論

者不達安固之基苟惜名位以為劉氏守令方仕州郡

曾不知彼乃國亡主易豈同今日義舉主榮臣顯哉

國舉

奉晉為義舉晉加以寵秩則主榮臣顯

論者又謂臣當為法正

法正啓劉備以取成

都壯亦教壽取李期故論者以比之

臣蒙陛下大恩恣臣所安至於榮祿

無問漢晉臣皆不處復何為效法正乎壽省書內慙

處昌

呂翻復扶又翻省悉景翻

祕而不宣

九月漢僕射任顏謀反誅顏

任太后之弟也漢主壽因盡誅成主雄諸子

任后雄之正室也壽

以任顏之反必以立諸甥為主故盡誅雄諸子以絕人望任音壬

冬十月光祿勳顏

舍以老遜位

引年致仕也

論者以王導帝之師傅名位隆重

百僚宜為降禮

降禮謂拜之為于偽翻下同

太常馮懷以問舍舍曰

王公雖貴重理無偏敬

臣子惟拜君父施之於導則為偏敬偏不正也

降禮之

言或是諸君事宜鄙人老矣不識時務既而告人曰吾

聞伐國不問仁人

董仲舒曰昔者魯君問柳下惠吾欲伐齊何如柳下惠曰不可歸而有憂

色曰吾聞伐國不問仁人此言何為至於我哉

向馮祖思問佞於我

馮懷字祖思

我

豈有邪德乎郭璞嘗遇舍欲為之筮

因舍請老併及辭郭璞事以見其有

識有

舍曰年在天位在人修己而天不與者命也守道

而人不知者性也自有性命無勞著龜

著升脂翻

致仕二十

餘年年九十三而卒

代王翳槐之弟什翼捷質於趙

為質見九十四卷咸和四年捷居言翻質音至

翳槐疾病命諸大人立之翳槐

卒諸大人梁蓋等以新有大故

有大喪謂之大故滕文公曰今也不幸至於大

故什翼捷在遠來未可必比其至恐有變亂謀更立君

比必寐翻更古衡翻

而翳槐次弟屈剛猛多詐不如屈弟弼仁厚

乃相與殺屈而立弼弼不可自詣鄴迎什翼犍請身留

為質

質音至

趙王虎義而俱遣之十一月什翼犍即代王

位於繁時北

繁時縣屬雁門郡時音止

改元曰建國分國之半以與

弼初代王猗盧既卒國多內難部落離散

事見八十九卷愍帝建興

四年難乃旦翻

拓跋氏寢衰及什翼犍立雄勇有智畧能修祖

業國人附之始置百官分掌衆務以代人燕鳳為長史

許謙為郎中令始制叛逆殺人姦盜之法號令明白政

事清簡無繫訊連逮之煩百姓安之於是東自濊貊

濊音

穢貌莫
白翻

西及破落那

新唐書西域傳曰寧遠者本拔汗
那或曰潑汗元魏時謂之破落那

去長安八千里居西
韃城在真珠河之北

南距陰山北盡沙漠率皆歸服有

衆數十萬人

史言代
復彊

十二月段遼自密雲山遣使求

迎於趙

使疏吏
翻下同

既而中悔復遣使求迎於燕

又復
翻扶

趙王

虎遣征東將軍麻秋帥衆二萬迎之

帥讀曰率下同

敕秋曰受

降如受敵不可輕也

江降

以尚書左丞陽裕遼之故臣

使爲秋司馬燕王皝自帥諸軍迎遼

帥讀
曰率

遼密與燕謀

覆趙軍，銳遣慕容恪伏精兵七千於密雲山，大敗麻秋。

於三藏口

水經注安州東有武列水其水三川派合西源曰西藏水西南流而東藏水注之水出東

溪西南流出谷與中藏水合水導中溪南流出谷南注東藏水東藏水又南右入西藏水故目其川曰三藏川

魏收地形志曰皇興二年置安州統密雲等郡隋廢郡為密雲縣唐為檀州治所殷補邁翻

死者什

六七秋步走得免陽裕為燕所執趙將軍范陽鮮于亮

失馬步緣山不能進因止端坐燕兵環之

環音官

叱令起

亮曰身是貴人義不為小人所屈汝曹能殺亟殺不能

則去亮儀觀豐偉

觀古玩翻

聲氣雄厲燕兵憚之不敢殺以

白氍毹以馬迎之與語大悅用為左常侍

晉制諸王國大國置左右

常侍以崔恣之女妻之

妻七
細翻

孰盡得段遼之衆待遼以上

賓之禮以陽裕為郎中令趙王虎聞麻秋敗怒削其官

爵

五年春正月辛丑大赦 三月乙丑廣州刺史鄧岳將

兵擊漢寧州漢建寧太守孟彥執其刺史霍彪以降

咸和

八年成取寧州今復之成以霍彪刺寧州見上卷咸和九年降戶江翻

征西將軍庾亮

欲開復中原表桓宣為都督沔北前鋒諸軍事司州刺

史鎮襄陽

沔彌
充翻

又表其弟臨川太守惲為監梁雍二州

諸軍事梁州刺史鎮魏興

自李矩以司州刺史退屯卒于魯陽司州已寄治荊州界

今始以司州治襄陽周訪領梁州治襄陽今司州既治襄陽故梁州治魏興監工衙翻下同西陽太

守翼為南蠻校尉領南郡太守鎮江陵皆假節又請解

豫州以授征虜將軍毛寶詔以寶監揚州之江西諸軍

事豫州刺史與西陽太守樊峻帥精兵萬人戍邾城邾城

在江北漢江夏郡邾縣之故城也楚宣王滅邾徙其君於此因以為名今黃州城是也杜佑曰黃州東南百二

十里臨江與武昌相對有邾城此言唐黃州治所也西陽縣漢屬江夏郡魏分屬弋陽郡晉惠帝分弋陽為西

陽國江左廢國為郡帥讀曰率下同以建威將軍陶稱為南中郎將江夏

相入沔中稱將二百人下見亮

亮鎮武昌稱自上流下見之相息亮翻將即亮

翻亮素惡稱輕狡數稱前後罪惡收而斬之

亮素怨陶侃而稱自

間亮於王導蓋以私忿殺之素惡烏路翻數所具翻後以魏興險遠命庾惲徙屯

半洲

半洲在江州界康帝時褚裒為江州刺史鎮半洲

更以武昌太守陳躡為

梁州刺史趙漢中

趙七喻翻

遣參軍李松攻漢巴郡江陽夏

四月執漢荊州刺史李閔巴郡太守黃植送建康

漢置荊州

於巴郡

漢主壽以李奕為鎮東將軍代閔守巴郡庾亮上

疏言蜀甚弱而胡尚彊欲帥大衆十萬移鎮石城遣諸

軍羅布江河為伐趙之規帝下其議

下遐
稼翻

丞相導請許

之太尉鑒議以為資用未備不可大舉太常蔡謨議以

為時有否泰

否皮
鄙翻

道有屈伸苟不計彊弱而輕動則亡

不終日何功之有為今之計莫若養威以俟時時之可

否繫胡之彊弱胡之彊弱繫石虎之能否自石勒舉事

虎常為爪牙百戰百勝遂定中原所據之地同於魏世

勒死之後虎挾嗣君誅將相

謂殺石堪程遐
徐光諸將相也

內難既平

難乃
日翻

剪削外寇一舉而拔金墉再戰而禽石生誅石聰

如拾遺取郭權如振槁

咸和八年虎殺石聰又拔金墉進殺石生九年取郭權事並見

上卷

四境之內不失尺土以是觀之虎為能乎將不能也

論者以胡前攻襄陽不能拔

事見上卷咸康元年

謂之無能為夫

百戰百勝之彊而以不拔一城為劣譬如射者百發百

中而一失可以謂之拙乎

中竹仲翻

且石遇偏師也桓平北

邊將也

桓宣為平北將軍將即亮翻下同

所爭者疆場之士

士讀日事

利則

進否則退非所急也今征西以重鎮名賢自將大軍欲

席卷河南虎必自帥一國之衆來決勝負

卷讀曰捲帥讀曰率

豈

得以襄陽為比哉今征西欲與之戰何如石生若欲城
守何如金墉欲阻沔水何如大江欲拒石虎何如蘇峻
凡此數者宜詳校之石生猛將關中精兵征西之戰殆
不能勝也又當是時洛陽關中皆舉兵擊虎今此三鎮
反為其用

洛陽關中而曰三鎮併
郭權據上邽為三也

方之於前倍半之勢

也石生不能敵其半而征西欲當其倍愚所疑也蘇峻
之彊不及石虎沔水之險不及大江大江不能禦蘇峻
而欲以沔水禦石虎又所疑也昔祖士雅在譙佃於城

北界

年佃亭翻

胡來攻豫置軍屯以禦其外穀將熟胡果至

丁夫戰於外老弱穫於內

穫戶郭翻

多持炬火急則燒穀而

走如此數年竟不得其利當是時胡唯據河北方之於

今四分之一耳

言祖逖與石勒對境時勒僅有河北之地比之今來石虎據有之地止四分之一

也一士雅不能捍其一而征西欲以禦其四又所疑也然

此但論征西既至之後耳

謂既至中原之後也

尚未論道路之慮

也自汧以西水急岸高魚貫汭流首尾百里

言水狹而急舟不得

駢為一列而近也

若胡無宋襄之義

左傳宋襄公及楚人戰于泓宋人既成列楚人未既

濟司馬子魚請擊之公曰不可既濟而未成列又以告公曰未可既陳而後擊之宋師敗績國人皆咎公公曰古之為軍也不以阻隘也寡人雖亡國之餘不鼓不成列及我未陳而擊之將若之

何今王土與胡水陸異勢便習不同

南便於用舟北便於用馬

胡若

送死則敵之有餘若弃江遠進以我所短擊彼所長懼

非廟勝之算

蔡謨之議量彼量己深切著明後郝鑒薦之自代蓋有見乎此也

朝議多

與謨同

朝直遙翻

乃詔亮不聽移鎮

燕前軍師慕容評廣

威將軍慕容容軍

沈約志廣威將軍曹魏置

折衝將軍慕容興根蕩寇將

軍慕容廆襲趙遼西俘獲千餘家而去趙鎮遠將軍石

成

鎮遠將軍蓋石氏所置

積弩將軍呼延晃建威將軍張支等追

之評等與戰斬晃支首

段遼謀反於燕燕人殺遼及

其黨與數十人送遼首於趙

五月代王什翼犍會諸

大人於參合陂

參合縣前漢屬代郡後漢晉省東魏天平二年置梁城郡參合縣屬焉水經注

參合陁在縣西北俗謂之倉鶴陁捷居言翻

議都灋源川其母王氏曰吾自

先世以來以遷徙為業

謂逐水草為行國草盡水竭則徙而之他也灋力水翻又作灋

今國家多難若城郭而居一旦寇來無所避之乃止

是後

輸勿崙之諫禿髮利鹿孤其說不過如此難乃旦翻

代人謂他國之民來附者皆

為烏桓什翼捷分之為二部各置大人以監之弟孤監

其北子寔君監其南

監工
銜翻

什翼捷求婚於燕燕王旆以

其妹妻之

妻七
細翻

秋七月趙王虎以太子宣為大單于

建天子旌旗

單音
蟬

庚申始興文獻公王導薨喪葬之

禮視漢博陸侯及安平獻王故事

霍光事見二十五卷
漢宣帝地節二年安

平王字事見七十九
卷武帝泰始八年

參用天子之禮導簡素寡欲善因

事就功雖無日用之益而歲計有餘輔相三世

莊子曰
日計之

不足歲計之有餘向秀注云日計之不足無旦夕小利
也歲計之有餘順時而大穰也三世元明成相息亮翻

倉無儲穀衣不重帛

重直龍翻

初導與庾亮共薦丹陽尹何

充於帝請以為己副且曰臣死之日願引充內侍則社

稷無虞矣由是加吏部尚書及導薨徵庾亮為丞相揚

州刺史錄尚書事亮固辭辛酉以充為護軍將軍亮弟

會稽內史冰為中書監揚州刺史參錄尚書事

會工外翻

冰

既當重任經綸時務不捨晝夜賓禮朝賢升擢後進由

是朝野翕然稱之以為賢相

朝直遙翻相息亮翻下同

初王導輔政

每從寬恕冰頗任威刑丹陽尹殷融諫之冰曰前相之

賢猶不堪其弘

堪任也言過於寬弘而不任也

況如吾者哉范汪謂冰

曰頃天文錯度

七曜失行為錯度

足下宜盡消禦之道冰曰玄

象豈吾所測正當勤盡人事耳又隱實戶口料出無名

萬餘人以充軍實

隱度也料音聊

冰好為糾察近於繁細後益

矯違

謂矯前之繁細而流於寬縱愈違於正道也好呼到翻

復存寬縱

復扶又翻下同

疎

密自由律令無用矣

八月壬午復改丞相為司徒

去年

省司徒并丞相府復扶又翻

南昌文成公郗鑒疾篤以府事付長

史劉遐

此又一劉遐也

上疏乞骸骨且曰臣所統錯雜率多北

人或逼遷徙

謂中原之人有戀土不肯南度者以兵威逼遷之也

或是新附百姓

懷土皆有歸本之心臣宣國恩示以好惡處與田宅漸

得少安

好呼到翻惡烏路翻處昌呂翻少詩治翻

聞臣疾篤衆情駭動若當

北渡必啓寇心

蓋時議欲徙京口之鎮渡江而北故鑒云然

太常臣謨平簡

貞正素望所歸謂可以為都督徐州刺史詔以蔡謨為

太尉軍司加侍中辛酉鑒薨即以謨為征北將軍都督

徐兗青三州諸軍事徐州刺史假節時左衛將軍陳光

請伐趙詔遣光攻壽陽

壽陽即壽春晉避簡文鄭太后諱改曰壽陽自祖約之敗為趙

所據謨上疏曰壽陽城小而固自壽陽至琅邪城壁相望

此琅邪謂古琅邪郡趙既取燕郡彭城下邳又得壽春故自壽春至琅邪城壁相望南琅邪在江乘之蒲洲上渡江而西歷歷陽合肥至壽春皆晉境趙未能置城壁也一城見攻衆城必救又王

師在路五十餘日前驅未至聲息久聞

問音

賊之郵驛

一日千里河北之騎足以相赴

郵音尤騎奇寄翻下同

夫以白起

韓信項藉之勇猶發梁焚舟背水而陣

戰國策白起曰楚王恃其國大

城池不修又無守備故起得以引兵深入多倍城邑發梁焚舟以專民當是之時秦中士卒以軍中為家將為父母不約而親不謀而信一心同功死不旋踵楚人自戰其地咸顧其家各有散心莫有鬪志是以能有功也

項羽焚舟即湛船以救鉅鹿事也見八十卷秦二世
三年韓信背水事見九卷漢高帝三年背蒲昧翻今

欲停船水渚引兵造城

造七到翻

前對堅敵顧臨歸路此兵

法之所誠若進攻未拔胡騎卒至

卒讀曰猝

懼桓子不知所

為而舟中之指可掬也

左傳晉中行桓子帥師與楚戰于郟楚人車馳卒奔乘晉師桓

子不知所為鼓於軍中日先濟者有賞中軍與下軍爭舟舟中之指可掬也

今光所將皆殿

中精兵

將即亮翻

宜令所向有征無戰而頓之堅城之下以

國之爪士

詩曰祈父予王之爪士毛萇注曰士事也今譏直謂殿中兵為爪牙之士

擊寇之

下邑得之則利薄而不足損敵失之則害重而足以益

寇懼非策之長者也乃止 初陶侃在武昌議者以江

北有邾城宜分兵戍之侃每不答而言者不已侃乃渡

水獵引將佐語之曰我所以設險而禦寇者正以長江

耳邾城隔在江北內無所倚外接羣夷

接西陽諸蠻也將即亮翻語牛

倨夷中利深晉人貪利夷不堪命必引虜入寇此乃致

禍之由非以禦寇也且吳時戍此城用三萬兵

吳都武昌故屯

重兵於邾城

今縱有兵守亦無益於江南若羯虜有可乘之

會此又非所資也

羯居謁翻

及庾亮鎮武昌卒使毛寶樊峻

成邦城趙王虎惡之

卒子恤翻
惡鳥路翻

以夔安為大都督帥石

鑒石閔李農張貉李菟等五將軍

帥讀曰率貉音
鶴菟同都翻

兵五

萬人寇荆揚北鄙二萬騎攻邦城毛寶求救於庾亮亮

以城固不時遣兵九月石閔敗晉兵於沔陰

水南為陰
即沔南也

敗補邁
翻下同

殺將軍蔡懷夔安李農陷沔南

晉人蓋置戍於
沔南以備津要

朱保敗晉兵於白石殺鄭豹等五將軍

水經注柵水導
源巢湖東逕南

譙僑郡城南又東左會清溪水又東
左會白石山水水發源白石山西

張貉陷邦城死者

六千人毛寶樊峻突圍出走赴江溺死

溺奴
秋翻

夔安進據

胡亭

續漢志汝南汝陰縣西北有胡城春秋胡子之國也

寇江夏義陽將軍黃冲

義陽太守鄭進皆降於趙

夏戶雅翻降戶江翻

安進圍石城

賢曰石城

故城在今復州沔陽縣東南水經注沔水逕石城西城因山為固晉惠帝元康九年分江夏西部置竟陵郡治

此

竟陵太守李陽拒戰破之斬首五千餘級安乃退遂

掠漢東擁七千餘戶遷于幽冀是時庾亮猶上疏欲遷

鎮石城聞邾城陷乃止上表陳謝自貶三等行安西將

軍

晉方伯帶將軍有征鎮安平亮本征西將軍乞自貶三等行安西將軍上時掌翻

有詔復位

以輔國將軍庾懌為豫州刺史監宣城廬江歷陽安豐

四郡諸軍事假節鎮蕪湖

監工街翻下同

趙王虎患貴戚豪

恣乃擢殿中御史李拒為御史中丞

曹魏之制蘭臺遣二御史居殿中伺

察非法此殿中御史之始也

特加親任中外肅然虎曰朕聞良臣如

猛虎高步曠野而豺狼避路信哉虎以撫軍將軍李農

為使持節監遼西北平諸軍事征東將軍營州牧鎮令

支

趙置營州統遼西北平二郡使疏吏翻令音鈴又郎定翻支音祁

農帥衆三萬與征

北大將軍張舉攻燕凡城

帥讀曰率

燕王皝以榼盧城大悅

綰為禦難將軍

榼苦盍翻水經注曰渝水南流東屈與一水會世名之曰榼倫水姓譜悅姓傳

說之後難
乃旦翻

授兵一千使守凡城及趙兵至將吏皆恐欲

弃城走綰曰受命禦寇死生以之且憑城堅守一可敵

百敢有妄言惑衆者斬衆然後定綰身先士卒

先息
薦翻親

冒矢石舉等攻之經旬不能克乃退虎以遼西逼近燕

境數遭攻襲

近其
數所
角翻

乃悉徙其民於冀州之南 漢

主壽疾病羅恒解思明復議奉晉壽不從李演復上書

言之

恒戶
登翻
解戶
買翻
復扶
又翻

壽怒殺演壽常慕漢武魏明之為

人恥聞父兄時事上書者不得言先世政教自以為勝

之也

書無逸曰相小人厥父母勤勞稼穡厥子乃不知稼穡之艱難乃逸乃諂既誕否則侮厥父母曰昔

之人無聞知其李壽之謂乎

舍人杜襲作詩十篇託言應璩以諷諫

應璩魏人有文名璩求於翻

壽報曰

省詩知意

省悉景翻視也

若今人所作

乃前哲之話言

話言善言也

若古人所作則死鬼之常辭耳

燕王皝自以稱王未受晉命冬遣長史劉翔參軍鞠

運來獻捷論功且言權假之意

獻捷獻趙捷也權假謂自稱王也皝呼廣翻

并請刻期大舉共平中原皝擊高句麗兵及新城

新城高句

麗之西鄙西南傍山東北接南蘇木底等城句如字又音駒麗力知翻

高句麗王釗乞盟

乃還又使其子恪霸擊宇文弼部霸年十三勇冠三軍

冠古
玩翻

張駿立辟雍明堂以行禮十一月以世子重華

行涼州事

重直
龍翻

十二月丁丑趙太保桃豹卒 丙戌

以驃騎將軍琅邪王岳為侍中司徒

驃匹
妙翻

漢李奕寇

巴東守將勞楊敗死

將即亮翻
勞姓楊名

六年春正月庚子朔都亭文康侯庾亮薨以護軍將軍

錄尚書何充為中書令

錄尚書即
錄尚書事

庾戌以南郡太守庾

翼為都督江荆司雍梁益六州諸軍事安西將軍荊州

刺史假節代亮鎮武昌

雍於用翻

時人疑翼年少不能繼其

兄

少詩照翻

翼悉心為治戎政嚴明數年之間公私充實人

皆稱其才

治直吏翻

辛亥以左光祿大夫陸玩為侍中司

空 宇文逸豆歸忌慕容翰才名翰乃佯狂酣飲或卧

自便利

便毘連翻洩也利下泄也

或被髮歌呼拜跪乞食

被皮義翻

宇文

舉國賤之不復省錄

省察也視也錄采也收也記也音悉景翻

以故得行來

自遂山川形便皆默記之

行來猶言往來也

燕王皝以翰初非

叛亂以猜嫌出奔

事見上卷咸和八年

雖在他國常潛為燕計

如牛

尾谷之戰是也

乃遣商人王車通市於宇文部以窺翰翰見車

無言撫膺頷之而已

撫擊也膺胸也

斃曰翰欲來也復使車迎

之

復扶又翻下同

翰彎弓三石餘矢尤長大斃為之造可手弓

矢

可手便手也言惟翰手可用耳為于偽翻

使車埋於道旁而密告之二月

翰竊逸豆歸名馬攜其二子過取弓矢逃歸逸豆歸使

驍騎百餘追之

驍堅堯翻奇寄翻

翰曰吾久客思歸既得上馬

無復還理吾曷日陽愚以誑汝

上時掌翻誑居況翻

吾之故藝猶

在無為相逼自取死也追騎輕之直突而前翰曰吾居

汝國久悵悵

李陵贈蘇武詩悵悵不能辭
呂向注曰悵悵相戀之情

不欲殺汝汝

去我百步立汝刀吾射之一發中者汝可還不中者可

來前追騎解刀立之一發正中其環

孔穎達曰禮進劍者左首首劍拊鐔

也少儀曰澤劍首鄭云澤弄也推尋劍刀利不容可弄
正是劍鐔也又云刀卻刃授穎鄭云穎鐔也鐔與環同

射而亦翻
中竹仲翻

追騎散走孰聞翰至大喜恩遇甚厚 庚辰

有星孛于太微

晉書天文志曰太微天子庭也五
帝坐也十二諸侯府也李蒲內翻

三

月丁卯大赦

漢人攻拔丹川守將孟彥劉齊李秋皆

死

五年孟彥以建寧降
丹川當在建寧界

代王什翼犍始都雲中之盛

樂宮

水經注白渠水出雲中塞外西北逕成樂固北魏土地記曰雲中城東八十里有成樂城今雲中郡

治一名石盧城白渠水又西逕魏雲中宮南魏土地記曰雲中宮在雲中故城東四十里魏之盛樂即漢成樂

縣也魏書曰猗盧城盛樂以為北都杜佑曰雲川雲中郡治雲中縣後魏道武自雲中徙都平城即此今馬邑

郡北平城即今郡隋為雲內郡恒安鎮縣界有白登山白登臺高柳城參合陂後魏盛樂縣亦在今郡界單于

臺在今縣西北百餘里

趙王虎遺漢主壽書

遺于季翻欲與之連兵

入寇約中分江南壽大喜遣散騎常侍王嘏中常侍王

廣使于趙

散悉宜翻騎奇寄翻使疏史翻

龔壯諫不聽壽大修舟艦繕

兵聚糧

黠翻戶

秋九月以尚書令馬當為六軍都督徵集

士卒七萬餘人為舟師大閱於成都鼓譟盈江

秦時蜀守李冰

穿二江成都中皆可行舟

壽登城觀之有吞噬江南之志解思明諫

曰我國小兵弱吳會險遠圖之未易

易以鼓翻

壽乃命羣臣

大議利害龔壯曰陛下與胡通孰若與晉通胡豺狼也

既滅晉不得不北面事之若與之爭天下則彊弱不敵

危亡之勢也虞號之事已然之戒

左傳晉獻公假道于虞以伐虢既滅虢遂

滅虞願陛下熟慮之羣臣皆以壯言為然壽乃止士卒咸

稱萬歲

士無樂戰之心驅之而赴死地未有不敗者使李壽不用龔壯之言固不待李勢而蜀亡也

冀壯以為人之行莫大於忠孝既報父叔之仇

謂假手於壽以

夷李特之子孫也行下孟翻

又欲使壽事晉壽不從乃詐稱耳聾手

不制物

手不制物若病風緩然也

辭歸以文籍自娛終身不復至成

都

復扶文翻

趙尚書令夔安卒

趙王虎命司冀青徐幽

并雍七州之民五丁取三四丁取二

雍於用翻

合鄴城舊兵

滿五十萬具船萬艘

艘蘇遭翻

自河通海運穀千一百萬斛

于樂安城

水經注濡水東南過遼西海陽縣又逕牧城南分為二水北水謂之小濡水東逕樂安亭

北東南入海濡水東南流逕樂安亭南東與新河故瀆合魏太祖征蹋頓所導也濡乃官翻

徙遼西

北平漁陽萬餘戶於兗豫雍洛四州之地

石虎置司州於鄴以晉之

司州為洛州雍於用翻

自幽州以東至白狼

白狼縣漢屬北平郡晉省水經注白狼水

出白狼縣東南北逕白狼山又東北逕昌黎縣故城西又北逕黃龍城東又東北出東流為三水右水即渝水

地理志曰渝水自塞南入海一水東北出塞為白狼水又東南流至房縣注于遼

大興屯田悉

括取民馬有敢私匿者腰斬凡得四萬餘匹大閱於宛

陽

水經注漳水自西門豹祠北逕趙閱馬臺西臺高五丈列觀其上石虎講武於其下列觀以望之

欲

以擊燕燕王皝謂諸將曰石虎自以樂安城防守重複

重直龍翻

薊城南北必不設備今若詭路出其不意可盡破

也冬十月鮑帥諸軍入自蠟螬塞

帥讀曰率自龍城取西道入蠟螬塞蠟一

結翻蠟烏公翻

襲趙成將當道者皆禽之直抵薊城

將即亮翻薊音計

趙幽州刺史石光擁兵數萬閉城不敢出燕兵進破武

遂津

武遂縣前漢屬河間國後漢晉屬安平國時屬武邑郡易水過其南曰武遂津

入高陽所

至焚燒積聚

積子賜翻聚才喻翻

略三萬餘家而去

考異曰燕書云畧燕范陽

二郡男女數千口而還今從後趙燕載記

石光坐懦弱徵還

懦乃亂翻

趙王虎

以秦公韜為太尉與太子宣迭日省可尚書奏事

迭日吏日

也省悉景翻

專決賞刑不復啓白

復扶又翻

司徒申鍾諫曰賞刑

者人君之大柄不可以假人所以防微杜漸消逆亂於

未然也太子職在視膳不當豫政庶人竄以豫政致敗

事見上卷咸康三年覆車未遠也且二政分權鮮不階禍左傳辛伯諗周

桓公曰並后匹嫡兩政耦國亂之本也兩政即二政此指宣韜迷日決事鮮息淺翻愛之不以道

適所以害之也虎不聽為宣殺韜張本中謁者令申扁中謁者令官官

也楊正衡曰扁芳連翻以慧悟辯給有寵於虎宣亦昵之昵尼使質翻

典機密虎既不省事而宣韜皆好酣飲畋獵好呼到翻下同由

是除拜生殺皆決於扁自九卿以下率皆望塵而拜太

子詹事孫珍病目求方於侍中崔約約戲之曰溺中則

愈

戲言溺目中則病愈溺乃平翻

珍曰目何可溺約曰卿目眈眈正耐

溺中

楊正衡曰眈眈目深也音一九翻耐乃代翻

珍恨之以白宣宣於兄弟

中最胡狀目深聞之怒誅約父子於是公卿以下畏珍

側目燕公斌督邊州

斌與張賀度共事蓋督北邊州也斌音彬

亦好畋獵常

懸管而入

管者城門之管鑰也欲便於出故常懸管

征北將軍張賀度每裁

諫之斌怒辱賀度虎聞之使主書禮儀持節監之

自東漢以

來尚書諸曹各有主書蓋吏職也至齊梁之間其權任甚重禮姓也儀名也春秋時衛有大夫禮至監古衙翻

斌殺儀又欲殺賀度賀度嚴衛馳白之虎遣尚書張離

帥騎追斌

帥讀曰率

鞭之三百免官歸第誅其親信十餘人

史言虎無令子

張駿遣別駕馬詵入貢於趙表辭蹇傲虎怒

欲斬詵侍中石璞諫曰今國家所當先除者遺晉也河

西僻陋不足為意今斬馬詵必征張駿則兵力分而為

二建康復延數年之命矣

復扶又翻

乃止璞苞之曾孫也

石苞

事晉文帝武帝功參佐命

初漢將李闔為晉所獲

事見上卷

逃奔于趙

漢主壽致書於趙王虎以請之署曰趙王石君虎不悅

付外議之中書監王波曰今李閔以死自誓曰苟得歸

骨於蜀當糾帥宗族混同王化

帥讀曰率

若其信也則不煩

一旅

古者行軍五百人為一旅

坐定梁益若有前却

一前一却猶今人言心懷進退

也 不過失一亡命之人於趙何損李壽既僭大號今以

制詔與之彼必酬返

酬答也返還也

不若復為書與之會挹婁

國獻楷天石砮於趙

挹婁古肅慎氏之國也楷矢長尺有咫其國東北有山出石其利入

鐵取以為砮杜佑曰挹婁國在不咸山北夫餘東北千餘里濱大海南與北沃沮接不知其北所極廣袤數千里人衆雖少而多勇力處山險善射弓長四尺力如砮天用楷長尺八寸青石為鏃所謂石砮也其取石也必

先祈神楷侯古翻木名似著若音奴矢鏃也

波因請以遺漢

遺于季翻

曰使其知

我能服遠方也虎從之遣李閔歸厚為之禮閔至成都

壽下詔曰羯使來庭貢其楷天

羯居謁翻使疏吏翻

虎聞之怒黜

王波以白衣領職

七年春正月燕王皝使唐國內史陽裕等

慕容廆置唐國郡

築

城於柳城之北龍山之西立宗廟宮闕命曰龍城

由是改柳

城為龍城縣

二月甲子朔日有食之

劉翔至建康帝引

見見賢

問慕容鎮軍平安對曰臣受遣之日朝服拜章

言朝服南面拜發章表於庭朝直遙翻下同

翔為燕王旣求大將軍燕王章

璽

璽斯氏翻

朝議以為故事大將軍不處邊

處昌呂翻

自漢魏以

來不封異姓為王所求不可許翔曰自劉石構亂長江

以北翦為戎藪

藪蘇口翻周禮注曰澤無水曰藪爾雅曰翦齊也

未聞中華公

卿之胄有一人能攘臂揮戈摧破凶逆者也獨慕容鎮

軍父子竭力心存本朝以寡擊衆屢殄彊敵使石虎畏

懼悉徙邊陲之民散居三魏

謂徙遼西之民也魏郡陽平廣平為三魏

蹙國

千里以薊城為北境功烈如此而惜海北之地不以為

封邑何哉昔漢高祖不愛王爵於韓彭故能成其帝業

項羽利印不忍授卒用危亡

事見漢高祖紀卒子恤翻

吾之至心非

苟欲尊其所事竊惜聖朝疎忠義之國使四海無所勸

慕耳尚書諸葛恢翔之姊夫也獨主異議以為夷狄相

攻中國之利惟器與名不可輕許乃謂翔曰借使慕容

鎮軍能除石虎乃是復得一石虎也

復扶又翻

朝廷何賴焉

翔曰嫠婦猶知恤宗周之隕

左傳鄭子太叔見范獻子曰嫠不恤緯而知宗周之

隕王室之不寧晉之恥也嫠陵之翻

今晉室阽危

阽余廉翻

君位倂元凱曾無

憂國之心邪嚮使靡鬲之功不立則少康何以祀夏桀

文之戰不捷則周人皆為左衽矣

左傳夏之方衰也后羿因夏民以代夏政

其臣寒浞殺羿而滅夏后相后緡逃歸有仍生少康焉靡奔有鬲氏自有鬲收衆以滅浞而立少康祀夏配天

不失舊物齊桓公北伐山戎南伐楚晉文公勝楚於城濮皆率諸侯以尊周室孔子曰微管仲吾其被髮左衽

矣慕容鎮軍枕戈待旦志殄凶逆而君更唱邪惑之言

忌間忠臣

間古莧翻

四海所以未壹良由君輩耳翔留建康

歲餘衆議終不決翔乃說中常侍或弘曰

或通作郁郁姓也姓譜有

魯相郁貢說輸芮翻

石虎苞八州之地帶甲百萬志吞江漢自索

頭宇文暨諸小國無不臣服

索普各翻

惟慕容鎮軍翼戴天

子精貫白日而更不獲殊禮之命竊恐天下移心解體

無復南向者矣

復扶又翻

公孫淵無尺寸之益於吳吳主封

為燕王加以九錫

事見七十二卷魏明帝青龍元年

今慕容鎮軍屢推

賊鋒威震秦隴虎比遣重使

比昆寐翻

甘言厚幣欲授以曜

威大將軍遼西王

劉翔詭為是言耳然當時將軍必有曜威之號

慕容鎮軍惡

其非正却而不受

惡烏路翻

今朝廷乃矜惜虛名阻抑忠順

豈社稷之長計乎

沮在呂翻

後雖悔之恐無及已弘為之入

言於帝

翻下為子偽

帝意亦欲許之會璠上表稱庾氏兄弟

擅權召亂

以庾亮召蘇峻祖約之變使據上流庾亮死弟翼握兵于外弟承專政于內也上時掌翻

宜加斥退以安社稷又與庾承書責其當國秉權不能

為國雪恥承甚懼以其絕遠非所能制乃與何充奏從

其請乙卯以慕容皝為使持節大將軍都督河北諸軍

事幽州牧大單于燕王

單音蟬

備物典策皆從殊禮

師古曰既

有備物而加之策書也杜預云典策春秋之制也余謂車輅旂章弓矢斧鉞皆可以言備物周成王分魯公以

大路大旂封父之繁弱夏后氏之璜又以其世子儁為備物典策典者典法也策者策書也

假節安北將軍東夷校尉左賢王賜軍資器械以千萬

計又封諸功臣百餘人以劉翔為代郡太守封臨泉鄉

侯加員外散騎常侍

晉志曰員外散騎常侍魏末置

翔固辭不受翔疾

江南士大夫以驕奢酣縱相尚嘗因朝貴宴集

酣戶甘翻朝直

遙翻謂何充等曰四海板蕩奄踰三紀

板蕩刺周厲王之詩也板板反也言

厲王為政反先王與天之道天下之民盡病也蕩蕩法度廢壞之貌言天下蕩蕩無綱紀文章也惠帝永興元

年劉淵肇亂至是三十六年矣

宗社為墟黎民塗炭斯乃廟堂焦慮之

時忠臣畢命之秋也而諸君宴安江沱

沱徒河翻江沱水別為沱

肆

情縱欲以奢靡為榮以傲誕為賢謬謬之言不聞征伐之功不立將何以尊主濟民乎充等甚慙詔遣兼大鴻

臚郭恹持節詣棘城冊命燕王

臚陵如翻恹香永翻

與翔等偕北

公卿餞於江上翔謂諸公曰昔少康資一旅以滅有窮

左傳少康邑於綸有田一成有衆一旅能布其德而兆其謀以收夏衆遂滅有窮少詩照翻

句踐憑

會稽以報彊吳

越王句踐棲於會稽卧薪嘗膽卒以滅吳句音鉤

蔓草猶宜早

除

左傳鄭祭仲曰無使滋蔓蔓難圖也蔓草猶不可除蔓音萬

況寇讐乎今石虎李

壽志相吞噬王師縱未能澄清北方且當從事巴蜀一

旦石虎先人舉事

先悉薦翻

併壽而有之據形便之地以臨

東南雖有智者不能善其後矣中護軍謝廣曰是吾心

也三月戊戌皇后杜氏崩夏四月丁卯葬恭皇后于

興平陵詔實王公以下至庶人皆正土斷白籍

時王公庶

人多自北來僑寓江左今皆以土著為斷著之白籍也白籍者戶口版籍也宋齊以下有黃籍斷丁亂翻

秋七月郭忭劉翔等至燕燕王皝以翔為東夷護軍領

大將軍長史以唐國內史陽裕為左司馬典書令李洪

為右司馬

晉制王國置典書典祠典衛學官令各一人典書令天朝吏部尚書之職中朝制典書令

在常侍侍郎上及渡江則侍郎
次常侍而典書令居三軍下

中丞鄭林為軍諮祭酒

八月辛酉東海哀王冲薨

冲後東海王越事見八十七卷懷帝永嘉五年

九月代王什翼犍築盛樂城於故城南八里

犍居言翻樂音洛

代王妃慕容氏卒 冬十月匈奴劉虎寇代西部代

王什翼犍遣軍逆擊大破之虎卒子務桓立遣使求和

於代什翼犍以女妻之

妻七細翻

務桓又朝貢於趙

朝直遙翻

趙

以務桓為平北將軍左賢王 趙橫海將軍王華帥舟

師自海道襲燕安平破之

北遼東郡之西安平也四年華以青州之衆戍海島故得

襲破之師
讀日率

燕王皝以慕容恪為渡遼將軍鎮平郭自

慕容翰慕容仁之後諸將無能繼者及恪至平郭撫舊

懷新屢破高句麗兵高句麗畏之不敢入境 十一月

興平康伯陸玩薨 漢主壽以其太子勢領大將軍錄

尚書事初成主雄以儉約寬惠得蜀人心及李閔王嘏

還自鄴

王嘏去年聘趙與李閔俱歸

盛稱鄴中繁庶宮殿壯麗且言

趙王虎以刑殺御下故能控制境內壽慕之徙旁郡民

三代以上者以實成都大修宮室治器玩人有小過輒

殺以立威

治直之翻

左僕射蔡興右僕射李嶷皆坐直諫死

嶷魚力翻

民疲於賦役吁嗟滿道思亂者衆矣

史言漢將亡

資治通鑑卷九十六

欽定四庫全書

資治通鑑卷九十七

宋 司馬光 撰

胡三省 音注

晉紀十九

起玄默攝提格盡
彊圉協洽凡六年

顯宗成皇帝下

咸康八年春正月己未朔日有食之

考異曰天文志
作己未今從帝紀

及長

乙丑大赦 豫州刺史庾惔以酒餉江州刺史

王允之允之覺其毒飲犬

飲於
禁翻

犬斃密奏之帝曰大舅

已亂天下

謂庾亮也

小舅復欲爾邪

又復扶

二月憚飲鴆而卒

卒子

三月初以武悼后配食武帝廟

楊皇后惠帝永康元年幽廢而

死今乃得配食武帝

庾翼在武昌數有妖怪

數所角翻妖於驕翻

欲移鎮

樂鄉征虜長史王述與庾冰牋曰樂鄉去武昌千有餘

里數萬之衆一旦移徙興立城壁公私勞擾又江州當

沂流數千里供給軍府力役增倍且武昌實江東鎮戍

之中非但扞禦上流而已緩急赴告駿奔不難

書武成曰駿奔

走駿音峻注云駿大也言皆奔走也

若移樂鄉遠在西陲一朝江渚有虞

不相接救方岳重將

將即亮翻

固當居要害之地為內外形

勢使闕闕之心不知所向昔秦忌亡胡之讖卒為劉項

之資

秦盧生奏錄圖書曰亡秦者胡也于是始皇使蒙恬北伐胡不知立于胡亥以兆亂卒于恤翻

周

惡縻弧之謠而成褒姒之亂

國語曰宣王之時有童謠曰縻弧箕服實亡周國宣

王聞之有夫婦鬻是器者使執而戮之府之小妾生子而非王子也懼而弃之此人也叔以奔褒姒人有獄而以女入于幽王王嬖是女而生伯服是為褒姒欲廢太子宜曰而立伯服卒以成申侯西戎之亂惡烏路翻縻

於琰翻

是以達人君子直道而行禳避之道皆所不取正

當擇人事之勝理思社稷之長計耳朝議亦以為然

朝直

通翼乃止 夏五月乙卯帝不豫

豫順也 不豫言有疾而氣體不能順適也

六月庚寅疾篤或詐為尚書符敕宮門無得內宰相衆

皆失色庾冰曰此必詐也推問果然

推考也 究也

帝二子不

奕皆在襁褓

襁居兩翻 褓音保

庾冰自以兄弟秉權日久恐易

世之後親屬愈疎為它人所間

間古覓翻

每說帝以國有彊

敵

強敵謂漢趙也 說輸尚翻

宜立長君

長知兩翻

請以母弟琅邪王岳為

嗣帝許之中書令何充曰父子相傳先王舊典易之者

鮮不致亂

鮮息淺翻

故武王不授聖弟

聖弟謂周公

非不愛也今

琅邪踐阼將如孺子何冰不聽下詔以岳為嗣并以奕

繼琅邪哀王

元帝以子哀奉琅邪恭王後薨謚曰孝子哀王安國立未踰年薨元帝復以皇子煥

嗣封其日薨復以皇子昱為琅邪王咸和之初昱徙封會稽以岳為琅邪王今岳入繼大宗故以奕繼哀王後

壬辰冰充及武陵王晞會稽王昱尚書令諸葛恢並受

顧命

會工外翻

癸巳帝崩

年十二

帝幼冲嗣位不親庶政及長

頗有勤儉之德

長知兩翻

甲午琅邪王即皇帝位大赦

己亥封成帝子不為琅邪王奕為東海王 康帝亮陰

不言委政於庾冰何充秋七月丙辰葬成帝于興平陵

帝徒行送喪至閭闔門乃升素輿至陵所既葬帝臨軒

庾冰何充侍坐

生祖臥翻

帝曰朕嗣鴻業二君之力也充曰

陛下龍飛臣冰之力也若如臣議不覩升平之世帝有

慙色已未以充為驃騎將軍

驃匹也翻

都督徐州揚州之晉

陵諸軍事領徐州刺史鎮京口

晉永嘉大亂徐州淮北流民相率過淮亦有過

江居晉陵郡界者咸和四年司徒郗鑒又徙流民之在淮南者於晉陵諸縣其徙過江南及留在江北者並立

僑郡以司牧之徐州實郡在江北者實有廣陵堂邑鍾離三郡而揚州之境以晉陵郡屬徐州所謂都督徐州

揚州之晉陵諸軍事者此也晉陵郡吳之毘陵郡也吳分吳郡無錫以西為毘陵郡晉東海王越世子名毘而

東海國故食毘陵永
嘉五年改為晉陵
避諸庾也
冬十月燕王皝遷都

龍城

慕容廆先居徒河之青山後徙棘城今自棘城徙都龍城杜佑曰營州柳城即古孤竹國也春秋為

山戎肥子二國地漢徒河之青山在郡城東百九十里棘城即顯項之虛在郡城東南百七十里慕容皝以柳城之北龍山之南福德之地遂遷都龍城號新宮為和龍宮柳城縣有白狼山白狼水又有僕扶犂縣故城在東南其龍山即慕容皝祭龍所也有饒樂水漢徒河縣城赦其境內建威將軍翰言

於皝曰宇文彊盛日久屢為國患今逸豆歸篡竊得國

逸豆歸逐乙得歸見
九十五卷咸和八年
羣情不附加之性識庸闇將帥非

才

將即亮翻
帥所類翻

國無防衛軍無部伍臣久在其國悉其地

形雖遠附彊羯

彊羯謂趙也
羯居謁翻

聲執不接無益救援今若

擊之百舉百克然高句麗去國密邇常有闚闢之志

如句

字又音駒麗力知翻闚缺規翻門中視也闚
從門旁竇中視也音俞韻釋闚闢私視也

彼知宇文

既亡禍將及已必乘虛深入掩吾不備若少留兵則不
足以守多留兵則不足以行此心腹之患也宜先除之
觀其執力一舉可克宇文自守之虜必不能遠來爭利
既取高句麗還取宇文如返手耳

返當作
反下同

二國既平利

盡東海國富兵彊無返顧之憂然後中原可圖也旣曰

善將擊高句麗高句麗有二道其北道平闊南道險狹

北道從北置而進南道從南陝入木底城

衆欲從北道翰曰虜以常情料之

必謂大軍從北道當重北而輕南王宜帥銳兵從南道

擊之出其不意九都不足取也

高句麗王居九都

別遣

偏師從北道縱有蹉跌

蹉跌失足而踏也

其腹心已

潰四支無能為也孰從之十一月孰自將勁兵四萬出

南道

將即亮翻下同

以慕容翰慕容霸為前鋒別遣長史王寓

等將兵萬五千出北道以伐高句麗高句麗王釗果遣

弟武帥精兵五萬拒北道自帥羸兵以備南道

羸倫為翻慕

容翰等先至與釗合戰斃以大衆繼之左常侍鮮于亮

曰臣以俘虜蒙王國士之恩

事見上卷咸康四年

不可以不報今

日臣死日也獨與數騎先犯高句麗陳所嚮摧陷高句

麗陳動

騎奇寄翻下同陳讀曰陣

大衆因而乘之高句麗兵大敗左

長史韓壽斬高句麗將阿佛和度加

高句麗置官有相加大加小加諸

軍乘勝追之遂入丸都釗單騎走輕車將軍慕輿溍追

獲其母周氏及妻而還會王寓等戰於北道皆敗沒由

是孰不復窮追

復扶又
翻下同

遣使招釗釗不出孰將還韓壽

曰高句麗之地不可戍守今其主亡民散潜伏山谷大

軍既去必復鳩聚

鳩亦
聚也

收其餘燼

火餘曰燼
猶能復然

猶足為患

請載其父尸囚其生母而歸俟其束身自歸然後返之

撫以恩信策之上也孰從之發釗父乙弗利墓載其尸

收其府庫累世之寶虜男女五萬餘口燒其宮室毀九

都城而還

還從宣翻
又如字

十二月壬子立妃褚氏為皇后

徵豫章太守褚裒為侍中尚書裒自以后父不願居中

任事

哀薄
侯翻

苦求外出乃除建威將軍江州刺史鎮半洲

趙王虎作臺觀四十餘所於鄴

觀古
玩翻

又營洛陽長安

二宮作者四十餘萬人又欲自鄴起閣道至襄國敕河

南四州治南伐之備

河南四州洛豫徐
兗也治直之翻

并朔秦雍嚴西

討之資

晉地理志曰石勒平朔方置朔
州西討欲攻河西也雍於用翻

青冀幽州為東

征之計

東征欲
伐燕也

皆三五發卒

三丁發二五
丁發三也

諸州軍造甲

者五十餘萬人船夫十七萬人為水所沒虎狼所食者

三分居一加之公侯牧宰競營私利百姓失業愁困貝

丘人李弘

貝丘縣自漢以來屬清河郡北齊併入清河縣

因衆心之怨自言姓

名應讖連結黨與署置百寮事發誅之連坐者數千家

虎畋獵無度晨出夜歸又多微行躬察作役侍中京兆

韋謏諫曰

謏蘇了翻

陛下忽天下之重輕行斤斧之間猝有

狂夫之變雖有智勇將安所施又興役無時廢民耘穫

穫戶郭翻

吁嗟盈路殆非仁聖之所忍為也虎賜謏穀帛而

興繕滋繁游察自若秦公韜有寵於虎太子宣惡之

惡鳥

路翻

右僕射張離領五兵尚書

曹魏置五兵尚書沈約志五兵尚書領中兵外兵騎

兵別兵都兵
故謂之五兵

欲求媚於宣說之曰

說輸
尚翻

今諸侯吏兵過

限宜漸裁省以壯本根宣使離為奏秦燕義陽樂平四

公

秦公韜燕公斌義
陽公鑒樂平公苞

聽置吏一百九十七人帳下兵二

百人自是以下三分置一餘兵五萬悉配東宮

配隸
也

於

是諸公咸怨嫌釁益深矣青州上言濟南平陵城北石

虎一夕移於城東南

漢濟南郡有東平陵縣晉省後復
置為平陵縣唐為齊州全節縣濟

子禮
翻

有狼狐千餘迹隨之迹皆成蹊虎喜曰石虎者朕

也自西北徙而東南者天意欲使朕平蕩江南也其敕

諸州兵明年悉集朕當親董六師以奉天命羣臣皆賀

上皇德頌者一百七人

上時掌翻

制征士五人出車一乘牛

二頭米十五斛絹十匹調不辦者斬

乘繩證翻調徒釣翻

民至鬻

子以供軍須

行軍所須以為用故曰軍須

猶不能給自經於道樹者

相望

人之自經必於溝瀆隱蔽之地死亡計迫自經于道旁之樹蓋甚不獲已也相望言其多也按目錄

書是年代

王還雲中

康皇帝

諱岳字世同成帝母弟也咸和元年封吳王二年徙封琅邪王謚法溫柔好樂曰康

建元元年春二月高句麗王釗遣其弟稱臣入朝於燕

朝直
遙翻

貢珍異以千數燕王魫乃還其父尸猶留其母為

質

質音致

宇文逸豆歸遣其相莫淺渾將兵擊燕諸將

爭欲擊之

相息亮翻
將即亮翻

燕王魫不許莫淺渾以為魫畏之

酣飲縱獵不復設備

酣戶甘翻
復扶又翻

魫使慕容翰出擊之莫

淺渾大敗僅以身免盡俘其衆

庾翼為人忼慨

忼慨同音

口黨
翻

喜功名

喜許記翻

琅邪內史桓溫彞之子也

桓彞死于蘇峻之難

尚南康公主

公主明帝女

豪爽有風槩

言其有風力氣槩

翼與之友

善相期以寧濟海內翼嘗薦溫於成帝曰桓溫有英雄

之才願陛下勿以常人遇之常壻畜之

畜呼玉翻又許竹翻

宜委

以方召之任

方叔邵虎周宣王用之以中興

必有弘濟艱難之勲時杜

又殷浩並才名冠世

冠古玩翻

翼獨弗之重也曰此輩宜束

之高閣俟天下太平然後徐議其任耳浩累辭徵辟屏

居墓所

屏必郢翻

幾將十年

幾居希翻

時人擬之管葛

管仲諸葛孔明也

江夏相謝尚長山令王濛

漢獻帝初平二年分烏傷立長山縣屬會稽郡吳分屬東

陽郡隋改長山為金華縣今屬婺州

常伺其出處

伺相吏翻處昌呂翻下同

以卜江左

興亡嘗相與省之

省悉井翻

知浩有確然之志

確然者守志堅固不移也

既返相謂曰深源不起當如蒼生何

殷浩字深源

尚鯤之子

也翼請浩為司馬詔除侍中安西軍司

軍司馬

浩不應

翼遺浩書曰王夷甫立名非真雖云談道實長華競

遺于

季翻長知兩翻

明德君子遇會處際

言遇風雲之會處功名之際也

寧可然乎

浩猶不起殷羨為長沙相

相息亮翻

在郡貪殘庾冰與翼書

屬之

屬之欲翻

翼報曰殷君驕豪亦似由有佳兒

佳兒謂浩也

弟

故小令物情容之

翼冰弟也

大較江東之政以嫗煦豪彊常

為民蠹

嫗於具翻煦許具翻鄭玄曰體曰嫗氣曰煦

時有行法輒施之寒劣

寒者衰冷無氣餒也如往年偷石頭倉米一百萬斛皆劣者卑弱在人下也

是豪將輩而直殺倉督監以塞責

倉督監亮倉之官將即亮翻塞悉則翻

山遐為餘姚長為官出豪彊所藏二千戶

餘姚縣屬會稽郡長知兩

翻為子偽翻

而衆共驅之令遐不得安席雖皆前宰之悵謬

前宰指王導悵音昏庾翼察舉小才耳當江東草創之時非王導之弘致遠識不能濟也謂之悵謬談何容易

江東事去實此之由兄弟不幸橫陷此中

橫戶孟翻

自不能

拔足於風塵之外當其明目而治之

治直之翻

荊州所統二

十餘郡

太康地志荊州統郡二十有二惠帝至元帝又立隨新野竟陵新興南河等郡

唯長沙

最惡惡而不黜與殺督監復何異邪

復扶又翻

遐簡之子也

永嘉中山簡鎮襄陽

翼以滅胡取蜀為己任遣使東約燕王皝西

約張駿刻期大舉朝議多以為難

使疏吏翻朝直達翻

唯庾冰意

與之同而桓溫譙王無忌皆贊成之無忌承之子也

譙王

承死於王敦之難承當作承音拯

秋七月趙汝南太守戴開帥數千人

詣翼降

帥讀曰率降戶江翻

丁巳下詔議經畧中原翼欲悉所部

之衆北伐表桓宣為都督司雍梁三州荊州之四郡諸

軍事梁州刺史

荊州四郡南陽新野襄陽南鄉也雍於用翻

前趣丹水

丹水縣前

漢屬弘農郡後漢屬南陽郡晉屬順陽郡賢曰丹桓溫水故城在今鄧州內鄉縣西南臨丹水趣七喻翻

為前鋒小督假節帥衆入臨淮

考異曰帝紀溫入臨淮下云庾翼為征討大

都督遷鎮襄陽按翼傳翼先表移鎮安陸至夏口上表云九月十九日發武昌二十四日達夏口始請徙鎮襄

陽始詔加都督征討諸軍事故知不在此月

並發所統六州奴及車牛驢馬

百姓嗟怨

六州江荆司雍梁益也

代王什翼犍復求婚於燕

龍居

言翻復扶又翻

燕王皝使納馬千匹為禮什翼犍不與又倨慢

無子壻禮八月皝遣世子儁帥前軍師評等擊代

帥請曰率

下同考異曰後魏序紀八月慕容元真遣使請薦女無用兵事今從燕書

什翼犍帥衆

避去燕人無所見而還

還從宣翻又如字

漢主壽卒

年十四諡

曰昭文廟號中宗太子勢即位大赦

勢字子仁壽之長子也

趙

太子宣擊鮮卑斛穀提大破之斬首三萬級宇文逸

豆歸執段遼弟蘭送於趙

翟遼之敗其弟蘭奔宇文逸豆歸今執以送趙

并

獻駿馬萬匹趙王虎命蘭帥所從鮮卑五千人屯令支

今音鈴又即定翻文音和

庾翼欲移鎮襄陽恐朝廷不許乃奏云

移鎮安陸

安陸縣自漢以來屬江夏即唐為安州治所

帝及朝士皆遣使譬言

止翼翼遂違詔北行至夏口復上表請鎮襄陽

朝直遙翻使疏

吏翻夏戶雅翻復
扶又翻上時掌翻

翼時有衆四萬詔加翼都督征討諸

軍事先是車騎將軍揚州刺史庾冰屢求出外

先悉薦翻

辛

巳以冰都督荊江寧益梁交廣七州豫州之四郡諸軍

事

豫州四郡宣城歷陽廬江安豐也

領江州刺史假節鎮武昌以為翼

繼援徵徐州刺史何充為都督揚豫徐州之琅邪諸軍

事

永嘉之亂琅邪國人隨元帝過江者千餘戶太興三年立懷德縣丹陽雖有琅邪相而無其地是年桓溫

為內史鎮江乘之蒲洲金城上求割丹陽之江乘縣境立郡所謂徐州之琅邪也領揚州刺史

錄尚書事輔政以琅邪內史桓溫為都督青徐兗三州

諸軍事徐州刺史褚裒為衛將軍領中書令 冬十一月己巳大赦

二年春正月趙王虎享羣臣於太武殿有白雁百餘集

馬道之南

馬道者築道可以馳馬往來

虎命射之皆不獲

射而亦翻

時諸

州兵集者百餘萬太史令趙攬密言於虎曰白雁集庭宮室將空之象不宜南行虎信之乃臨宣武觀大閱而

罷

石虎倣洛都之制築宣武觀於鄴觀古玩翻

漢主勢改元太和尊母閭

氏為皇太后立妻李氏為皇后 燕王皝與左司馬高

詡謀伐宇文逸豆歸詡曰宇文彊盛今不取必為國患

伐之必克然不利於將

將即亮翻

出而告人曰吾往必不返

然忠臣不避也於是孰自將伐逸豆歸

將即亮翻下同

以慕容

翰為前鋒將軍劉佩副之分命慕容軍慕容恪慕容霸

及折衝將軍慕容輿根將兵三道並進高詡將發不見其

妻使人語以家事而行

語牛倨翻

逸豆歸遣南羅大涉夜干

將精兵逆戰

南羅城名大城大也慕容既克宇文改南羅城為威德城考異曰慕容孰載記作涉

奔干今從燕書

孰遣人馳謂慕容翰曰涉夜干勇冠三軍

冠古玩翻

宜小避之翰曰逸豆歸掃其國內精兵以屬涉夜干

屬之

欲翻

涉夜干素有勇名一國所賴也今我克之其國不攻

自潰矣且吾孰知涉夜干之為人

孰與熟同

雖有虛名實易

與耳不宜避之以挫吾兵氣遂進戰翰自出衝陳

易以鼓翻

陳讀曰陣

涉夜干出應之慕容霸從傍邀擊遂斬涉夜干字

文士卒見涉夜干死不戰而潰燕軍乘勝逐之遂克其

都城

字文國都遼西紫蒙川

逸豆歸走死漠北宇文氏由是散亡

孰悉收其畜產資貨徙其部衆五千餘落於昌黎關地

千餘里更命涉夜干所居城曰威德城使弟彪戍之而

還高詡劉佩皆中流矢卒

還音旋中竹仲
翻卒子恤翻

詡善天文

嘗謂曰卿有佳書而不見與何以為忠蓋詡曰臣聞人

君執要人臣執職執要者逸執職者勞是以后稷播種

堯不預焉占候天文晨夜甚苦非至尊之所宜親殿下

將焉用之

馬於虔翻

鮑默然初逸豆歸事趙甚謹貢獻屬路

屬之欲翻

及燕人伐逸豆歸趙王虎使右將軍白勝并州刺

史王霸自甘松出救之

甘松在濡源之東突門嶺之西

比至

比必寐翻

宇文

氏已亡因攻威德城不克而還慕容彪追擊破之慕容

翰之與宇文氏戰也為流矢所中臥病積時不出後漸

差

差楚懈翻疾瘵也

於其家試騁馬或告翰稱病而私習騎乘

疑欲為變燕王皝雖藉翰勇畧然中心終忌之乃賜翰

死翰曰吾負罪出奔既而復還

翰出奔見九十五卷成帝咸和八年還見上卷

咸康六年復扶又翻

今日死已晚矣然羯賊跨據中原吾不自量

量音良

欲為國家蕩壹區夏

為于偽翻夏戶雅翻

此志不遂沒有遺

恨命矣夫飲藥而卒

考異曰三十國春秋云永和二年九月殺翰燕書翰傳翰嘗臨陳

為流矢所中病臥歲時不出入後漸差試馬按自討宇
文後翰未嘗預攻戰自建元二年正月至永和二年九
月已踰年矣三十國春秋恐誤今從載記翰傳

代王什翼犍遣其大人長孫

秩迎婦於燕

拓跋鄰之統國也以次兄為拔拔氏厥後
孝文帝用夏變夷改為長孫氏史以筆言

書其後
所改姓

夏四月涼州將張瓘敗趙將王擢于三交城

三交城在朔方之西宋白曰三交土堠在
綏州東北七十五里將即亮翻敗補邁翻

初趙領軍

王朗言於趙王虎曰盛冬雪寒而皇太子使人伐宮材

引於漳水役者數萬吁嗟滿道陛下宜因出游罷之虎

從之太子宣怒會熒惑守房

天文志房四星為明堂天
子布政之宮也亦四輔也

下第一星上將也次次將也次次相也上星上相也熒惑守房心王者惡之熒惑天子理也故曰雖有明天子必謹視熒惑所在

宣使太史令趙攬言於虎曰房為天王今熒惑守之其殃不細宜以貴臣王姓者當之虎曰誰可者攬曰無貴於王領軍虎意惜朗使攬更言其次攬無以對因曰其次唯中書監王波耳虎乃下詔追罪波前議桡矢事

見上卷成帝咸康六年

腰斬之及其四子投尸漳水既而

愍其無罪追贈司空封其孫為侯趙平北將軍尹農

攻燕凡城不克而還漢太史令韓皓上言熒惑守心

乃宗廟不修之譴

以七曜所經周天三百六十五度四分度之一考之房六度太心三度太

五星入之久而不去謂之守時趙太史以為熒惑守房漢太史以為熒惑守心是則躔度之難知也漢主

勢命羣臣議之相國董皎侍中王嘏以為景武創業獻

文承基至親不遠無宜疎絕乃更命祀成始祖太宗皆

謂之漢

李特謚景武皇帝廟號始祖祖雄謚武皇帝廟號太宗驥謚獻皇帝壽謚文皇帝特驥兄弟也雄

壽從兄弟也故曰至親不遠李壽改立宗廟見上卷成帝咸康四年

征西將軍庾翼使

梁州刺史桓宣擊趙將李羆於丹水為羆所敗

敗補翼

貶宣為建威將軍宣慙憤成疾秋八月庚辰卒翼以長

子方之為義城太守

沈約曰義成郡晉孝武立治襄陽五代志曰襄陽郡穀城縣舊曰義

城置義城郡又按晉書桓宣傳陶侃使宣鎮襄陽以其淮南部曲立義成郡則此郡立於咸和中明矣城當作

成

代領宣衆又以司馬應誕為襄陽太守參軍司馬勲

為梁州刺史戍西城

西城縣時屬魏興郡

中書令褚裒固辭樞

要閏月丁巳以裒為左將軍都督兖州徐州之琅邪諸

軍事兖州刺史鎮金城

金城在江乘之蒲洲琅邪僑郡亦以為治所

帝疾

篤庾冰庾翼欲立會稽王昱為嗣

會工外翻

中書監何充建

議立皇子聃

聃他含翻

帝從之九月丙申立聃為皇太子戊

成帝崩于式乾殿

年二十三建康宮殿皆用洛都舊名

已亥何充以遺旨

奉太子即位大赦由是冰翼深恨充尊皇后褚氏為皇

太后時穆帝方二歲太后臨朝稱制

朝直遙翻下同

何充加中

書監錄尚書事充自陳既錄尚書不宜復監中書

中書監之

監古陷翻監中書之監古銜翻復扶又翻下同

許之復加侍中充以左將軍褚

裒太后之父宜綜朝政上疏薦裒參錄尚書乃以裒為

侍中衛將軍錄尚書事持節督刺史如故

裒蒲侯翻

裒以近

戚懼獲譏嫌上疏固請居藩改授都督徐充青三州揚

州之二郡諸軍事衛將軍徐兗二州刺史鎮京口

揚州之二

郡晉陵義興也

尚書奏哀見太后在公庭則如臣禮私覲則嚴

父

朱熹曰私覲以私禮見也嚴尊也

從之冬十月乙丑葬康帝于崇

平陵江州刺史庾冰有疾太后徵冰輔政冰辭十一

月庚辰卒庾翼以家國情事

言以兄弟之情則當赴冰之喪以國事則當治兵以

圖收復

留子方之為建武將軍戍襄陽方之年少

少詩照翻

以

參軍毛穆之為建武司馬以輔之穆之寶之子也

毛寶豫有

平蘇峻之功却城之陷實死焉

翼還鎮夏口

夏戶雅翻

詔翼復督江州又領

豫州刺史翼辭豫州復欲移鎮樂鄉詔不許翼仍繕修

軍器大佃積穀以圖後舉

佃亭年翻

趙王虎作河橋於靈

昌津采石為中濟

滑臺故鄭之廩延也城下有延津又西為靈昌津石勒攻劉曜途出於此

以河冰津為神靈之助號是處為靈昌津大河深廣必下石為中濟兩岸繫巨絙以維船然後可以立橋如河陽橋蒲津橋之中渾是也

采石採取石也濟如字

石下輒隨流

河流漂急故石下輒隨流而去

用功五千餘萬而橋不成虎怒斬匠而罷

孝宗穆皇帝上之上

諱昀字彭子康帝子也議法中情見貌曰穆

永和元年春正月甲戌朔皇太后設白紗帷於太極殿

抱帝臨軒 趙義陽公鑒鎮關中役煩賦重文武有長

髮者輒拔為冠纓纓冠餘以給官人長史取髮白趙王

虎虎徵鑒還鄴以樂平公苞代鎮長安發雍洛秦并州

十六萬人石虎分司州之河南弘農滎陽兗州之陳留東燕置洛州雍於用翻治長安未

央宮治直虎好獵晚歲體重不能跨馬乃造獵車千乘

乘好呼到翻繩證翻刻期校獵自靈昌津南至滎陽東極陽都為

獵場陽都縣前漢屬城陽國後漢晉屬琅邪國賢曰陽都故城在今沂州沂水縣南又曰在承縣南使

御史監察監工其中禽獸有犯者臯至大辟辟毘民有

美女佳牛馬御史求之不得皆誣以犯獸論死者百餘人發諸州二十六萬人修洛陽宮發百姓牛二萬頭配

朔州牧官

趙置牧官于朔方

增置女官二十四等東宮十二等

公侯七十餘國皆九等大發民女三萬餘人料為三等以配之太子諸公私令采發者又將萬人郡縣務求美色多強奪人妻殺其夫及夫自殺者三千餘人至鄴虎臨軒簡第以使為能封侯者十二人荆楚揚徐之民

流叛畧盡

荆楚以國言揚徐以州言趙之壤地南陽汝南則故荆楚之地也壽陽則揚州之地也彭

城下邳東海琅邪東莞則徐州之地也一日荆楚揚徐之民先被掠及流入北界者今流叛畧盡

守令

坐不能綏懷下獄誅者五十餘人

下逕按翻

金紫光祿大夫

遂明

金紫光祿大夫即光祿大夫加金章紫綬者自此遂以為官稱

因侍切諫

因侍

見而切諫也

虎大怒使龍騰拉殺之

盧慕驍勇拜為龍騰中即拉落合翻

燕

王甄以牛假貧民使佃苑中

佃亭年翻

稅其什之八自有牛

者稅其七記室參軍封裕上書諫以為古者什一而稅

天下之中正也降及魏晉仁政衰薄假官田官牛者不

過稅其什六自有牛者中分之猶不取其七八也自永

嘉以來海內蕩析武宣王綏之以德

慕容廆謹
武宣王

華夷之

民萬里輻湊襁負而歸之者若赤子之歸父母是以戶

口十倍於舊無田者什有三四及殿下繼統南摧彊趙

東兼高句麗北取宇文

民歸慕容廆事見八十八卷
帝建興元年統破趙事見上卷

成帝咸康四年破高麗見上卷
咸康八年取宇文見上卷
帝建元二年

拓地三千里增民

十萬戶是宜悉罷苑囿以賦新民無牛者官賜之牛不

當更收重稅也且以殿下之民用殿下之牛牛非殿下

之有將何在哉如此則戎旗南指之日民誰不簞食壺

漿以迎王師

用孟子語
食祥吏翻

石虎誰與處矣

處昌呂
翻下同

川瀆溝

渠有廢塞者

塞悉則
翻下同

皆應通利旱則灌溉潦則疏泄一

夫不耕或受之飢况游食數萬何以得家給人足乎今

官司猥多虛費廩祿苟才不周用皆宜澄汰

以用水為
諭澄之使

清而汰去
具沙泥也

工商末利宜立常員學生三年無成徒塞英

雋之路皆當歸之於農

塞悉
則翻

殿下聖德寬明博察芻蕘

文王詢于芻蕘刈中曰
芻采薪曰蕘芘如招翻

參軍王憲大夫劉明並以言事

忤旨主者處以大辟

主者謂其時主斷憲明之獄者
忤五故翻處昌呂翻辟毘亦翻

殿

下雖恕其死猶免官禁錮夫求諫諍而罪直言是猶適越而北行必不獲其所志矣右長史宋該等阿媚苟容

輕劾諫士

劾戶槩翻又戶得翻

已無骨鯁

骨鯁以喻剛彊正直者毛晃曰鯁魚骨又骨不

下咽為鯁以其謬謬難受如魚骨之啣咽也

嫉人有之掩蔽耳目不忠之甚

者也孰乃下令稱覽封記室之諫孤實懼焉國以民為

本民以穀為命可悉罷苑囿以給民之無田者實貧者

官與之牛力有餘願得官牛者並依魏晉舊法溝瀆各

有益者令以時修治

治直之翻

今戎事方興勲伐既多

王功曰勲

積功曰伐

官未可減俟中原平壹徐更議之工商學生皆當

裁擇夫人臣關言于人主至難也

關白也王褒聖主得賢臣頌曰進退得關

其忠

雖有狂妄當擇其善者而從之王憲劉明雖罪應廢

黜亦由孤之無大量也可悉復本官仍居諫司封生蹇

蹇深得王臣之體

易曰王臣蹇蹇匪躬之故

其賜錢五萬宣示内外

有欲陳孤過者不拘貴賤勿有所諱孰雅好文學

好呼到翻

常親臨庠序講授考校學徒至千餘人頗有妄濫者故

封裕及之

詔徵衛將軍褚裒欲以為揚州刺史錄尚

書事吏部尚書劉遐長史王胡之說哀曰

說輸
尚翻

會稽王

令德雅望國之周公也足下宜以大政授之哀乃固辭

歸藩壬戌以會稽王昱為撫軍大將軍錄尚書六條事

劉聰以其子粲為丞相領大將軍錄尚書事劉延年錄
尚書六條事錄六條事在錄尚書事之下是必魏晉之
間先有是官聰承而置之
也注又見前會工外翻 昱清虛寡欲尤善玄言常以

劉惔王濛及潁川韓伯為談客

惔徒
甘翻

又辟郝超為撫軍

掾謝萬為從事中郎超鑒之孫也

郝鑒南渡初名
臣掾以絹翻

少卓

犖不羈

少詩照翻犖呂角翻卓犖不羈卓高也犖有力
也言其氣韻甚高且有才力譬之馬駒逸羣不

可得而也父愔簡默冲退而嗇於財積錢至數千萬惜於今翻

嘗開庫任超所取超散施親故一日都盡史言超有才具足以用世

晉朝不能用惜其為桓溫用也施式鼓翻萬安之弟也清曠秀邁亦有時名

燕有黑龍白龍見于龍山龍山在龍城之東見賢編翻交首遊戲

解角而去燕王眇親祀以太牢赦其境內命所居新宮

曰和龍都亭肅侯庾翼疽發于背謚法剛克為伐曰肅執心決斷曰肅

疽干余翻表子爰之行輔國將軍荊州刺史委以後任司馬

義陽朱燾為南蠻校尉以千人守巴陵秋七月庚子卒

翼部將于瓚等作亂

于姓也左傳宋有于犇瓚藏旱翻

殺冠軍將軍曹

據

冠古玩翻

朱燾與安西長史江彰

彰逋聞翻

建武司馬毛穆之

庾翼以子方之為建武將軍守襄陽以穆之為司馬穆之即虎生也穆之字憲祖小字虎生名犯王靖后諱故改行字後又以桓溫母諱憲乃更稱小字按晉書后妃傳哀靖王皇后諱穆之將軍袁真其誅

之彰統之子也

八月豫州刺史路永叛奔趙趙王虎

使永屯壽春

路永蘇峻降將也

庾翼既卒朝議皆以諸庾世

在西藩人情所安宜依翼所請以庾爰之代其任何充

曰荆楚國之西門戶口百萬北帶彊胡西鄰勁蜀地勢

險阻周旋萬里得人則中原可定失人則社稷可憂陸
抗所謂存則吳存亡則吳亡者也

陸抗垂沒之疏見八十卷武帝泰始十年

豈可以白面少年當之哉

少詩照翻

桓溫英畧過人有文武

器幹西夏之任無出溫者

夏戶雅翻

議者又曰庾爰之肯避

溫乎如今阻兵恥懼不淺

言不能制爰之將為國恥又言有可懼者蓋以王敦蘇峻待

爰之也

充曰溫足以制之諸君勿憂丹陽尹劉惔每奇溫

才然知其有不臣之志謂會稽王昱曰溫不可使居形
勝之地其位號常宜抑之勸昱自鎮上流以已為軍司

昱不聽又請自行亦不聽

劉惔談客耳其言桓溫無不中蓋深知溫之才者設使昱

鎮上流惔為司馬未足以敵燕秦揚子曰非苟知之亦允蹈之非知之難行之為難也惔徒甘翻

庚辰

以徐州刺史桓溫為安西將軍持節都督荊司雍益梁

寧六州諸軍事領護南蠻校尉荊州刺史

為桓溫專制晉朝張本雍

於用翻

爰之果不敢爭又以劉惔監沔中諸軍事領義成

太守

監工衙翻

代庾方之徙方之爰之于豫章桓溫嘗乘雪

欲獵先過劉惔惔見其裝束甚嚴謂之曰老賊欲持此

何為溫笑曰我不為此卿安得坐談乎

溫以此語答惔盡之矣溫亦知

懷之悉其才
故發是言

漢主勢之弟大將軍廣以勢無子求為

太弟勢不許馬當解思明諫曰陛下兄弟不多若復有

所廢

復扶又翻

將益孤危固請許之勢疑其與廣有謀叔當

思明斬之夷其三族

儲君不可求使馬當解思明為國計固當從容言之使其主自悟安

可固以為請也相從而就死宜矣解戶買翻

遣太保李奕襲廣於涪城貶廣

為臨印侯廣自殺思明被收歎曰國之不亡以我數人

在也

涪音浮印渠容翻被皮義翻

今其殆矣言笑自若而死思明有

智畧敢諫諍馬當素得人心及其死士民無不哀之

冬十月燕王皝使慕容恪攻高句麗拔南蘇

南蘇城在南
蘇之東

唐平高麗
置南蘇州

置戍而還

還從宣
翻又如字

十二月張駿伐焉耆

降之

降戶
江翻

是歲駿分武威等十一郡為涼州

駿分武威
武興西平

張掖酒泉建康西郡
須武安故合十一郡為涼州

以世子重華為刺史分

興晉等八郡為河州

駿分興晉金城武始南安永晉
大夏武威漢中八郡為河州

以

寧戎校尉張瓘為刺史分燉煌等三郡及西域都護三

營為沙州

晉志惟載敦煌晉昌二郡西域都護張茂以
校尉玉門大護軍三郡三營為沙州而一郡

不見于史蓋缺
文也燉徒門翻

以西胡校尉楊宣為刺史駿自稱大都

督大將軍假涼王督攝三州始置祭酒郎中大夫舍人

謁者等官官號皆倣天朝

朝直遙翻下同

而微變其名車服旌

旗擬於王者 趙王虎以冠軍將軍姚弋仲為持節十

郡六夷大都督冠軍大將軍

冠古玩翻

弋仲清儉鯁直不治

威儀言無畏避

虎之纂弋仲正色責之可以見其言無畏避矣治直之翻下同

虎甚重

之朝之大議每與參決公卿皆憚而下之

朝直遙翻下避嫁翻

武

城左尉虎寵姬之弟也

東武城縣屬清河郡唐屬貝州弋仲營于廣川清河之瀕頭

嘗入弋仲營侵擾其部衆弋仲執而數之曰爾為禁尉

禁尉者言尉職所以禁止姦非也數所具翻

迫脅小民我為大臣目所親見

不可縱也命左右斬之尉叩頭流血左右固諫乃止

燕王魫以為古者諸侯即位各稱元年于是始不用晉

年號自稱十二年

燕自是不復稟命于晉矣

趙王虎使征東將軍

鄧恒將兵數萬屯樂安治攻具為取燕之計

恒戶登翻

燕王

魫以慕容霸為平狄將軍

平狄將軍始于漢先武以命龐萌

戍徒河恒

畏之不敢犯

二年春正月丙寅大赦

己卯都鄉文穆公何充卒充

有器局臨朝正色以社稷為己任所選用皆以功效不

私親舊

初夫餘居于鹿山

夫餘在玄菟北千餘里鹿山蓋直其地杜佑曰夫餘

國有印文曰濊王之印國有故城名濊城蓋本濊貊之地其國在長城之北去玄菟千里南與高麗東與挹婁

西與鮮卑接

為百濟所侵

東夷有三韓國一曰馬韓二曰辰韓三曰弁韓馬韓有五十四國百

濟其一也後漸強大兼諸小國其國本與句麗俱在遼

東之東千餘里隋書曰百濟出自東明其後有仇台者

始立其國漸以強盛初以百家濟海因號百濟杜佑曰

百濟南接新羅北距高麗千餘里西限大海處小海之

南

部落衰散西徙近燕而不設備

近其新翻

燕王皝遣世子

儁帥慕容軍慕容恪慕容興根三將軍萬七千騎襲夫餘

帥讀
曰率

雋居中指授軍事皆以任恪遂拔夫餘虜其王玄

及部落五萬餘口而還旆以玄為鎮軍將軍妻以女

妻

細翻

二月癸丑以左光祿大夫蔡謨領司徒與會稽王

昱同輔政

褚裒薦前光祿大夫顧和前司徒左長史

殷浩三月丙子以和為尚書令浩為建武將軍揚州刺

史和有母喪固辭不起謂所親曰古人有釋裒經從王

事者

裒倉回翻

以其才足幹時故也如和者正足以虧孝道

傷風俗耳識者美之浩亦固辭會稽王昱與浩書曰屬

當厄運

屬之
欲翻

危弊理極足下沈識淹長

沈持
林翻

足以經濟

若復深存挹退

復扶
又翻

苟遂本懷吾恐天下之事於此去

矣足下去就即時之廢興則家國不異

言國興則家亦
與之俱興國廢

則家亦與
之俱廢也

足下宜深思之浩乃就職

夏四月己酉朔

日有食之

五月丙戌西平忠成公張駿薨官屬上

世子重華為使持節大都督太尉護羌校尉涼州牧西

平公假涼王

上時
掌翻

赦其境內尊嫡母嚴氏為太王太后

母馬氏為王太后

趙中黃門嚴生惡尚書朱軌

惡烏
路翻

會久雨生譖軌不修道路又謗訕朝政

朝直道
綱下同

趙王虎

囚之蒲洪諫曰陛下既有襄國鄴宮又修長安洛陽宮

殿將以何用作獵車千乘環數千里以養禽獸

環音
宦

奪

人妻女十餘萬口以實後宮

事並見
上年

聖帝明王之所為

固若是乎今又以道路不修欲殺尚書陛下德政不修

天降淫雨七旬乃霽霽方三日雖有鬼兵百萬亦未能

去道路之塗潦

去羌
呂翻

而况人乎政刑如此其如四海何

其如後代何

言天下後世必
將貶議其失也

願止作徒罷苑囿出宮女

欽定四庫全書

資治通鑑

卷六

赦朱軌以副衆望虎雖不悅亦不之罪為之罷長安洛

陽作役

為于偽翻

而竟誅朱軌又立私論朝政之法聽吏告

其君奴告其主公卿以下朝覲以目相顧不敢復相過

從談語

復扶又翻過古禾翻經過也石虎之法雖周厲王之監謗秦始皇之禁耦語不如是之甚也

趙將軍王擢擊張重華襲武街執護軍曹權胡宣

張駿

置五屯護軍武街其一也在隴西水經注曰狄道縣西南有武街城晉志惠帝分隴西立狄道郡又立武街縣

屬馬徙七千餘戶于雍州

雍於用翻

涼州刺史麻秋

趙使麻秋攻涼州故

授以判史

將軍孫伏都攻金城太守張冲請降涼州震恐重

華悉發境內兵使征南將軍裴恒將之以禦趙恒壁於

廣武

張寔分金城之令居枝陽二縣又立永登縣合三縣立廣武郡水經注廣武城在枝陽縣西五代志

武威郡允吾縣後魏置曰廣武劉昫曰唐蘭州廣武縣漢枝陽縣地恒戶登翻久而不戰涼州

司馬張耽言於重華曰國之存亡在兵兵之勝敗在將

今議者舉將多推宿舊

將息亮翻

夫韓信之舉非舊德也

舉韓

信事見九卷漢高帝元年

蓋明主之舉舉無常人才之所堪則授以

大事今彊寇在境諸將不進人情危懼主簿謝艾兼資文武可用以禦趙重華乃艾問以方畧艾願請兵七千

人必破趙以報重華拜艾中堅將軍給步騎五千使擊

秋艾引兵出振武夜有二梟鳴于牙中艾曰六博得梟

者勝

爾雅翼博之采有梟博兼行惡道故以梟為采

今梟鳴牙中克敵之兆也

進與趙戰大破之斬首五千級重華封艾為福祿伯

福祿

縣自漢以來屬酒泉郡宋白曰肅州福祿縣周隋為樂涇縣武德改為福祿取漢舊名也

麻秋之克

金城也縣令敦煌車濟不降伏劒而死

縣令謂金城縣今也敦煌門翻

秋又攻大夏

大夏縣漢屬隴西郡張軌分屬晉興郡後又分置大夏郡水經注大夏縣故城在枹

罕縣西南北臨洮水劉昫曰河州大夏縣漢占縣也取縣西大夏水以名之

護軍梁式執太

守宋晏以城應秋秋遣晏以書誘致宛成都尉敦煌宋

矩

誘音酉敦徒門翻

矩曰為人臣功既不成唯有死節耳先殺

妻子而後自刎

刎扶粉翻

秋曰皆義士也収而葬之冬漢

太保李奕自晉壽舉兵反蜀人多從之衆至數萬漢主

勢登城拒戰

時奕兵進逼成都

奕單騎突門門者射而殺之

騎奇

寄翻射而亦翻

其衆皆潰勢大赦境內改元嘉寧勢驕淫不恤

國事多居禁中罕接公卿疎忌舊臣信任左右讒詔並

進刑罰苛濫由是中外離心蜀土先無獠

獠魯皓翻西南夷名北史

曰獠益南蠻之別種印笮川洞之間散居山谷種類甚多畧無氏族之別又無名字所生男女唯以長幼次第呼之其丈夫稱阿暮阿段婦人阿夷阿等之類皆語之次第稱謂也至是始從山出自巴

西至犍為梓潼

犍居言翻

布滿山谷十餘萬落不可禁制大

為民患加以饑饉四境之內遂至蕭條安西將軍桓

溫將伐漢將佐皆以為不可江夏相袁喬勸之曰夫經

畧大事固非常情所及智者了於胸中不必待衆言皆

合也今為天下之患者胡蜀二寇而已蜀雖險固比胡

為弱將欲除之宜先其易者

易以說翻

李勢無道臣民不附

且恃其險遠不修戰備宜以精卒萬人輕齎疾趨比其

覺之

比必寐翻

我已出其險要

已出其險要謂已踰險而出平地也

可一戰擒

也蜀地富饒戶口繁庶諸葛武侯用之抗衡中夏

諸葛亮謚

忠武侯夏戶雅翻

若得而有之國家之大利也論者恐大軍既

西胡必闕覲此似是而非胡聞我萬里遠征以為內有

重備必不敢動縱有侵軼

軼直結翻又音逸杜預曰軼突也

緣江諸軍

足以拒守必無憂也溫從之喬瓌之子也

袁瓌見九十卷成帝咸

康三年瓌工回翻

十一月辛未溫帥益州刺史周撫南郡太守

譙王無忌伐漢

帥讀曰
率下同

拜表即行委安西長史范汪以

留事加撫都督梁州之四郡諸軍事

梁州四郡涪陵巴
東巴西巴郡也

使袁喬帥二千人為前鋒朝廷以蜀道險遠溫衆少而

深入

少詩
沼翻

皆以為憂惟劉惔以為必克或問其故惔曰

以博知之溫善博者也不必得則不為但恐克蜀之後

溫終專制朝廷耳

三年春二月桓溫軍至青衣

青衣縣漢屬蜀郡後漢順
帝陽嘉二年更名漢嘉

立為漢嘉郡劉昫曰眉州青神縣臨青衣江西魏置青
衣縣青衣水出廬山徼外東北流至武陽而合于江杜

佑曰嘉州故夜郎國漢武開置犍為郡治龍游縣漢之青衣道也在大江青衣二水之會漢主勢大

發兵遣叔父右衛將軍福從兄鎮南將軍權前將軍咎

堅等將之自山陽趣合水

山陽之地蓋在岷江之北峨眉山之陽水經注江水東南

過犍為武陽縣青衣沫水從西南來合注之所謂合水當是此地從才用翻管子感翻將即亮翻趣七喻翻

諸將欲設伏於江南以待晉兵咎堅不從引兵自江北

駕鵞碕渡向犍為

碕渠宜翻曲岸也犍為唐嘉州犍為縣即其地在州東南

三月溫

至彭模

彭模即漢犍為郡武陽縣之彭亡聚也岑彭死處水經注江水自武陽東至彭亡聚謂之平模

水亦曰外水平模去成都二百里在今眉州彭山縣議者欲分為兩軍異道俱進

以分漢兵之勢袁喬曰今懸軍深入萬里之外勝則大

功可立不勝則噍類無遺

噍才肖翻

當合勢齊力以取一戰

之捷若分兩軍則衆心不一萬一偏敗

偏敗謂兩道並進或一軍為蜀

所敗

大事去矣不如全軍而進棄去釜甑齎三日糧以示

無還心勝可必也溫從之留參軍孫盛周楚將羸兵守

輜重

將即亮翻下同重直用翻

溫自將步卒直指成都楚撫之子也

李福進攻彭模孫盛等奮擊走之溫進遇李權三戰三

捷漢兵散走歸成都鎮軍將軍李位都迎詣溫降

降戶江翻

同下咎堅至捷為

言翻 捷居

乃知與溫異道還自沙頭津濟比

至

比必 寐翻

溫已軍於成都之十里陌堅衆自潰勢悉衆出

戰于成都之笮橋

水經注萬里橋西上曰夷橋亦曰笮橋笮疾各翻

溫前鋒不

利叅軍龔護戰死矢及溫馬首衆懼欲退而鼓吏誤鳴

進鼓

雷鼓以進 衆曰進鼓

袁喬拔劔督士卒力戰遂大破之溫乘

勝長驅至成都縱火燒其城門漢人惶懼無復鬪志

復扶

又翻勢夜開東門走至葭萌

葭音家

使散騎常侍王幼送降

文於溫

散悉 亶翻 騎奇寄翻

自稱畧陽李勢叩頭死罪

李氏其先 自巴西遷

陽畧尋輿觀面縛詣軍門溫解縛焚觀送勢及宗室十餘

人於建康

觀初親翻

引漢司空譙獻之等以為參佐舉賢旌

善蜀人悅之

日南太守夏侯覽貪縱侵刻胡商又科

調船材

夏戶雅翻調徒弔翻

云欲有所討由是諸國恚憤

志於避翻

林

邑王文攻陷日南將士死者五六千

將即亮翻

殺覽以尸祭

天檄交州刺史朱蕃請以郡北橫山為界

今邕州南界有橫山其山

橫截江河我朝置橫山寨及買馬場按劉昫舊唐志漢武帝開百越於交趾郡南三千里置日南郡治于朱吾

林邑即漢日南郡之象林縣在郡南界四百里後漢時中原喪亂象林縣人區連殺縣令自稱林邑王遂為林

邑國邕州渡海乃至交趾交趾三千里乃至日南此橫山自在日南郡北界非今邕州之橫山文既去

蕃使督護劉雄戍日南漢故尚書僕射王誓鎮東將

軍鄧定平南將軍王潤將軍隗文等皆舉兵反

隗五
振翻

衆

各萬餘桓溫自擊定使袁喬擊文皆破之溫命益州刺

史周撫鎮彭模斬王誓王潤溫留成都三十日振旅還

江陵

傳曰入而振旅杜預
注振整也旅衆也

李勢至建康封歸義侯夏四

月丁巳鄧定隗文等入據成都征虜將軍楊謙棄涪城

退保德陽

涪音
浮

趙涼州刺史麻秋攻枹罕晉昌太守即

坦以城大難守

惠帝分敦煌酒泉為晉昌郡抱罕縣前漢屬金城郡後漢屬隴西郡張軌分屬

晉興郡水經注晉昌川在湟中浩亶縣西南劉昫曰晉昌郡漢寘安縣地唐為晉昌縣瓜州治所抱音膚欲

棄外城武成太守張悛曰

武成郡亦張氏置悛且緣翻又七倫翻

棄外城

則動衆心大事去矣寧戎校尉張璩從悛言固守大城

寧戎校尉亦張氏所置即坦張悛益以各郡太守從張璩守抱罕璩求於翻秋帥衆八萬圍

湟數重

帥讀曰率下同重直龍翻湟七詭翻

雲梯地突百道皆進

地突者為地道

突出於城中

城中禦之秋衆死傷數萬趙王虎復遣其將劉

渾等帥步騎二萬會之

復扶又翻將即亮翻下除將軍外並同

即坦恨言

不用教軍士李嘉潛引趙兵千餘人登城璩督諸將力

戰殺二百餘人趙兵乃退璩燒其攻具秋退保大夏

夏戶

雅翻虎以中書監石寧為征西將軍帥并司州兵二萬餘

人為秋等後繼張重華將宋秦等帥戶二萬降于趙

降戶

江翻重華以謝艾為使持節軍師將軍

使疏吏翻

帥步騎三萬

進軍臨河艾乘輅車戴白帽

輅音遙帽古洽翻

鳴鼓而行秋望

見怒曰艾年少書生冠服如此輕我也命黑稍龍驤三

千人馳擊之

稍音朔驤思將翻

艾左右大擾或勸艾宜乘馬艾

不從下車踞胡床

胡床蓋今交椅之類孔穎達曰今之交牀制本自虜來隋以識有胡故名

交牀指麾處分

處昌呂翻分扶問翻

趙人以為有伏兵懼不敢進別

將張瑁自閒道引兵截趙軍後

瑁莫報翻閒古覓翻

趙軍退艾乘

勢進擊大破之斬其將杜勲汲魚獲首虜萬三千級秋

單馬奔大夏五月秋與石寧復帥衆十二萬進屯河南

復扶又翻

劉寧王擢畧地晉興廣武武街

張軌分西平界置晉興郡

至于

曲柳

曲柳地名在洪池嶺北

張重華使將軍牛旋拒之退守枹罕

姑臧大震重華欲親出拒之謝艾固諫索遐曰

索昔各翻君

者一國之鎮不可輕動乃以艾為使持節都督征討諸

軍事行衛將軍遐為軍正將軍

古有軍正黃帝法曰正無屬將軍將軍有罪以

聞益軍中執法者也張氏遂以為將軍之號

帥步騎二萬拒之別將楊康敗

劉寧于沙阜

敗補邁翻

寧退屯金城

六月辛酉大赦

秋

七月林邑復陷日南

復扶又翻下同

殺督護劉雄

隗文鄧定

等立故國師范長生之子賁為帝而奉之

李雄以范長生為國師

以妖異惑眾蜀人多歸之

妖於驕翻

趙王虎復遣征西將

軍孫伏都將軍劉渾帥步騎二萬會麻秋軍長驅濟河

擊張重華遂城長最

長最地名在金城河北

考異

謝

艾建牙誓衆有風吹旌旗東南指索遐曰風為號令今

旌旗指敵天所贊也

風雲氣候雜占曰風不旁勃旌旗帶軍隨風而揚舉或向敵終日軍

行有功
勝候也

艾軍于神鳥王擢與艾前鋒戰敗走還河南八

月戊午艾進擊秋大破之秋遁歸金城虎聞之歎曰吾

以偏師定九州今以九州之力困於枹罕彼有人焉未

可圖也艾還討叛虜斯骨真等萬餘落皆破平之趙

王虎據十州之地

幽并冀司豫兗
青徐雍秦十州

聚斂金帛

斂力
瞻翻

及外

國所獻珍異府庫財物不可勝紀

勝音升

猶自以為不足

悉發前代陵墓取其金寶沙門吳進言於虎曰

袁宏漢記曰沙

門漢言息也蓋息欲以歸於無為也

胡運將衰晉當復興宜苦役晉人以

厭其氣

厭一兼翻厭勝也

虎使尚書張羣發近郡男女十六萬

人車十萬乘運土築華林苑及長牆于鄴北廣袤數十

里

乘繩證翻華如字袁音茂

申鍾石璞趙攬等上疏陳天文錯亂百

姓彫弊虎大怒曰使苑牆朝成吾夕沒無恨矣促張羣

使然燭夜作暴風大雨死者數萬人郡國前後送蒼麟

十六白鹿七虎命司虞張曷柱調之以駕芝蓋

晉職官志太僕

之屬有典虞都尉趙之司虞即是官也張曷柱人姓名芝蓋者蓋為瑞芝之形

大朝會列於殿

庭

朝直遙翻

九月命太子宣出祈福于山川因行遊獵宣乘

大輅羽葆華蓋建天子旌旗十有六軍戎卒十八萬出

自金明門

水經注鄴城有七門南曰鳳陽門中曰中陽門次曰廣陽門東曰建春門北曰廣德門次

曰殿門西曰西明門蓋即金明門也

虎從其後宮升陵霄觀望之

觀古玩翻笑

曰我家父子如此自非天崩地陷當復何愁但抱子弄

孫日為樂耳

復扶又翻樂音洛

宣所舍輒列人為長圍四面各

百里驅禽獸至暮皆集其所使文武皆跪立重行圍守

重直龍翻
行戶剛翻

炬火如晝命勁騎百餘馳射其中宣與姬妾

乘輦臨觀獸盡而止或獸有迸逸

孟進比翻

當圍守者有爵

則奪馬步驅一日無爵則鞭之一百士卒飢凍死者萬

有餘人所過三州十五郡資儲皆無了遺

以下韜所出
徵之宣所過

三州益司
究豫也

虎復命韜繼出自并州至于秦雍亦如之

復扶

又翻雍
於用翻

宣怒其與已鈞敵愈嫉之宦者趙生得幸于宣

無寵於韜微勸宣除之於是始有殺韜之謀矣趙麻

秋又襲張重華將張瑁敗之

據載記瑁時屯河陝敗補邁翻

斬首三千

餘級抱罕護軍李達帥衆七千降于趙自河以南氐羌

皆附於趙

趙強涼弱涼戰雖數勝人心隨強弱而為向背况復有張瑁之敗乎帥讀曰率降戶江翻

冬十月乙丑遣侍御史俞歸至涼州授張重華侍中

大都督督隴右關中諸軍事大將軍涼州刺史西平公

歸至姑臧重華欲稱涼王未肯受詔使所親沈猛私謂

歸曰主公奕世為晉忠臣

奕世累葉也

今曾不如鮮卑何也

朝廷封慕容皝為燕王而主公纔為大將軍何以褒勸

忠賢乎明臺宜移河右共勸州主為涼王

歸為侍御史以將命故謂

之明臺移謂移文

人臣出使苟利社稷專之可也

使疏吏翻

歸曰吾

子失言

古者列國之大夫率相謂曰吾子儀禮注曰子者男子之美稱言吾子相親之辭

昔三

代之王也爵之貴者莫若上公

三代封建列爵五等曰公侯伯子男上公九命

伯作

及周之衰吳楚始僭號稱王而諸侯不之非蓋以蠻

夷畜之也借使齊魯稱王諸侯豈不四面攻之乎漢高

祖封韓彭為王尋皆誅滅蓋權時之宜非厚之也聖上

以貴公忠賢故爵以上公任以方伯寵榮極矣豈鮮卑

夷狄所可比哉且吾聞之功有大小賞有重輕今貴公

始繼世而為王

言重華始繼父位未有功于晉而求為王也

若帥河右之衆

帥讀曰率

東平胡羯修復陵廟迎天子返洛陽將何以加之

乎重華乃止

武都氏王楊初遣使來稱藩詔以初為

使持節征南將軍雍州刺史仇池公

使疏吏翻雍於用翻

十二

月振威護軍蕭敬文殺征虜將軍楊謙攻涪城陷之自

稱益州牧遂取巴西通于漢中

振威護軍晉官也蕭敬文以晉新并蜀又有范

賁之亂故亦乘之而反涪音浮

欽定四庫全書

資治通鑑

四十一

資治通鑑卷九十七